

Bosna i Hercegovina
Federacija Bosne i Hercegovine
ZENIČKO–DOBOJSKI KANTON
OPĆINA MAGLAJ
OPĆINSKO VIJEĆE

Broj: 02-05-1-764/18
Datum, 30.03.2018.godine



Bosnia and Herzegovina
Federation of Bosnia and Herzegovina
ZENICA – DOBOJ CANTON
MAGLAJ MUNICIPALITY
MUNICIPAL COUNCIL

Z A P I S N I K

Sa 16. sjednice Općinskog vijeća Maglaj
održane dana 30.03.2018.godine u 09,00 sati u sali
JU Dom kulture «Edhem Mulabdić» Maglaj

Predsjedavajuća OV, na osnovu člana 59. Poslovnika o radu Općinskog vijeća i zaključaka Kolegija od 21.03.2018.godine, Programa rada Općinskog vijeća za 2018. godinu i ukazane potrebe otvaram 16 . redovnu sjednicu Općinskog vijeća.

Na današnju sjednicu pozvani su vijećnici iz parlamentarnih političkih stranaka SDA-a, SDP-a, SBB, DF, HDZ, Stranke za BiH, samostalni vijećnici Buljubašić Musafa, Bešić Mustafa, Fikret Delić i Kanita Bašić.

Poziv za sjednicu i materijal dostavljeni su OSCE-u Terenski ured Travnik, sredstvima informisanja koji prate rad današnje sjednice.

Pozvan je Općinski načelnik, rukovodioci općinskih Službi, Općinska pravobraniteljica, predstavnici Javnih ustanova i Javnih preduzeća, kao i predstavnici čiji materijali će biti razmatrani na današnjoj sjednici Općinskog vijeća.

Sve vas pozdravljam i pozivam da svako na sebi svojstven način odamo dužnu počast onima koji su svoje živote ugradili u zemlju domovinu nam Bosnu i Hercegovinu i svim žrtvama rata.

Molim predstavnika Službe Općinskog načelnika i Općinskog vijeća da prozivkom vijećnika utvrđimo broj vijećnika na 16. redovnoj sjednici Općinskog vijeća.

Današnjoj sjednici Općinskog vijeća prisustvuje 24 vijećnika.

Nije prisutna vijećnica Selma Avdić.

Konstatujem da Općinsko vijeće može punovažno raditi i odlučivati i donositi odluke, zaključke i rješenja. Ovim je ispoštovan član 88. Poslovnika o radu Općinskog vijeća Maglaj.

Na današnjoj sjednici izvršit ćemo verifikaciju zapisnika sa 15. redovne sjednice Općinskog vijeća.

Da li ima primjedbi na zapisnik sa 15. redovne sjednice?

Vijećnik Josip Jurišić, imam primjedbu vezano na stranici 22 zaključak po tački 4. tamo stoji 1 glas uzdržan, a ja sam bio protiv. Molim da se to ispravi.

Vijećnik Firuz Galijašević, imam primjedbu na glasanje za dnevni red. Ovdje stoji da je glasalo za 13 zajedno sa vijećnikom Josipom Jurišićem, jedan je glasao protiv Josip Jurišić HDZ.

Uvažavajući iznesene sugestije stavljam Zapisnik sa 15. sjednice na glasanje.

Jednoglasno je verifikovan zapisnik sa 15. sjednice Općinskog vijeća.

Otvaram raspravu po pitanju dnevnog reda. Da li ima prijedloga za proširenje dnevnog reda?

Općinski načelnik, predlažem još jednu tačku dnevnog reda koja se odnosi na davanje saglasnosti KJD Maglaj i Općinskom načelniku da dogovore cijenu isporuke pitke vode za Tvornicu „Natron Hayat“. Materijal će biti vrlo brzo gotov. Radi se o samo tri člana, a obrazloženje ovu tačku dnevnog reda je poziv Tvornici „Natron Hayat“ da u ponedjeljak razgovaramo o isporuci pitke vode, jer je već ranije taj projekat fizički krenuo priključenje Tvornice „Natron Hayat“ i zašto se traži da usaglasimo cijenu pitke vode. Razlog tome je što Tvornica „Natron Hayat“ već 15 godina isporučuje tehničku vodu KJD i nikada nije cijena ni 1 m³ plaćena i dalje će Tvornica „Natron Hayat“ isporučivati tu vodu u skladu sa dogовором, ali isto tako će ubuduće poslije priključenja koristiti dio pitke vode za potrebe društvenog restorana u Tvornici, tako da bi trebalo da se dogovori cijena, uvažavajući cijenu proizvodnje tehničke vode u Tvornici „Natron Hayat“, cijenu pretvaranja tehničke u pitku vodu i povrat nazad, da se nađe neka kompromisna cijena.

Vijećnik Hajrudin Fermić, čisto formalna intervencija pod tačkom 3. Treba da stoji Izvještaj o radu komunalnog inspektora da stoji i Program rada za 2018. godinu jer nam je dostavljen i svakako se trebamo o njemu izjasniti.

Vijećnik Safet Jašić, u izvodu sa sjednice Kolegija sam primjetio da je pauza od 11,30 do 13,30 sati. Da odredimo tačno vrijeme pauze mislim da bi trebalo da bude od 12,30 sati jer je došlo do promjene računanja vremena. Mislim da je sat malo, pa da se odredimo o dužini trajanja pauze.

Predsjedavajuća OV, vezano za vrijeme koje je određeno za pauzu u vrijeme održavanja Kolegija još uvijek nije bio pomjerena sat, ali znamo kad je vrijeme džume i da će biti usklađena pauza sa tim vremenom. Prijedlog je i

gospodina Jašića da pauza ne traje dva sata nego sat i po. Ja bih predložila da pauzu napravimo od 12 sati, predlažem da se može ručati prije džume ili da idemo tačno od pola jedan ili 12,45 sati. Usaglašeno je da se ide sa pauzom od 12,30 do 14,00 sati.

Vijećnik Josip Jurišić, ovo može biti i mala replika kolegi Jašiću. Trebalо bi ubuduće paziti kad se i kojim danima organiziraju sjednice Općinskog vijeća. Mada mi nismo vjerska država, sekularna samo, ali vidite kad odajemo počast poginulima da se svi pomolimo za njih. Danas je kod nas katolika veliki ili crni petak, pa iz tog razloga ja ћu nakon 12 sati napustiti sjednicu, jer imamo po našem katoličkom kalendaru do podne radimo, a poslije toga imamo nešto malo drugačije.

Predsjedavajuća OV, zaključujem raspravu po pitanju dnevnog reda, te predlažem da se izjasnimo prvo o proširenju dnevnog reda, prijedlog Općinskog načelnika, ko je za proširenje dnevnog reda.

Usvojeno jednoglasno.

Slijedeća sugestija je da se pod tačkom 3. Proširi naslov tačke dnevnog reda da se razmatra i Program rada za 2018. godinu.

Usvojeno jednoglasno.

Prijedlog kolege Jašića da pauza traje od 12,30 i 14,00 sati.

Usvojeno jednoglasno.

Da se ubuduće vodi računa o svim drugim vjerskim praznicima, te da se sjednice Općinskog vijeća sazivaju u skladu sa tim.

Stavljam na glasanje usaglašeni

D N E V N I R E D

1. Izvještaj Jedinstvenog organa uprave za period 01.01. – 31.12.2017.godine;
2. Program rada Jedinstvenog organa uprave za 2018. godinu;
3. Izvještaj o radu sanitarno-komunalnog i vodoprivrednog inspektora za 2017. godinu i Program rada za 2018. godinu;
4. Izvještaj o izvršenju Budžeta-Proračuna Općine Maglaj za period 01.01.-31.12.2017.godine;
5. Odluka o usvajanju godišnjeg obračuna Budžeta/Proračuna Općine Maglaj za 2017. godinu;
6. Prijedlog Programa utroška sredstava – Finansiranje boračkih udruženja za 2018. godinu;
7. Prijedlog Programa poticaja u poljoprivrednoj proizvodnji Općine Maglaj za 2018. godinu ;
8. Prijedlog Programa utroška sredstava – Poticaj u zapošljavanju mladih poduzetnika za 2018. godinu;
9. Prijedlog Odluke o davanju saglasnosti za potpisivanje Sporazuma;
10. Prijedlog Odluke o utvrđivanju visine naknade za rad Upravnog odbora JU «Dom zdravlja» Maglaj i JU «Narodna apoteka» Maglaj;
11. Prijedlog Odluke o prosječnoj konačnoj građevinskoj cijeni 1m2 korisne stambene površine na području općine Maglaj;
12. a) Prijedlog Odluke o komunalnoj naknadi;
- b) Prijedlog Odluke o utvrđivanju vrijednosti boda komunalne naknade u Općini Maglaj;
13. Prijedlog Odluke o komunalnom redu i sanitarnom minimumu;
14. Prijedlog Odluke o zamjeni nekretnina – zemljišta Mehić (Edhem) Šefik;
15. Izvještaj o realizaciji „Strategije razvoja općine Maglaj 2012-2020. godina“ za 2017. godinu;
16. Informacija o postupku potpune eksproprijacije nekretnina za izgradnju „Groblja Borik“ u Maglaju.

Glasalo 24 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Fermić (DF), Mustafa Bešić, Fikret Delić, Kanita Bašić, samostalni vijećnici, Josip Jurišić (HDZ), Adis Abdurahmanović, Nedžad Alispahić, Mirsad Bežić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik.

Predsjedavajuća OV, ukoliko ima zainteresovanih gostiju za raspravu po pojedinim tačkama dnevnog reda prijave možete uzeti i prijaviti se, diskusije po pojedinim tačkama su 3 minuta, molim da se pridržavate tog vremena.

AD – 1 Izvještaj Jedinstvenog organa uprave za period 01.01. – 31.12.2017.godine;

Otvaram raspravu, ukoliko želite možemo diskutovati i o tački 1 i 2. jer su vezane, vijećnici traže odvojeno.

Vijećnica Šefka Hasanić, Klub vijećnika SDA je razmatrao Izvještaj Jedinstvenog organa uprave za period 01.01.- 31.12.2017.godine. Kako je navedeno u Izvještaju, tako ćemo i raspravljati po tačkama koji nam je dostavio Načelnik i Službe.

U tački 1. gdje se govori o stabilizaciji Budžeta Općine Maglaj kada se kaže preuzet sa deficitom od preko 500.000 KM, zaboravi se reći da je odmah u prvih nekoliko dana januara izvršena sudska presuda od „Elektrodistribucije“ Zenica i da su ostvareni veći prihodi od indirektnih poreza nego što je to bilo u prethodnom periodu, prije svega zahvaljujući radu, Uprave za indirektno oporezivanje o čemu ćemo više reći kad bude razmatran Izvještaj o izvršenju Budžeta.

Da ne zaboravimo i to da u izvršenju Budžeta i izvještajima o Budžetu, nigrde nismo imali iskazan deficit Budžeta ni za 2016. Godinu, ni za 2017. Godinu, kako se navodi u ovom Izvještaju koji je dostavljen po ovoj tački dnevnog reda.

Kada se kaže da su bila veća izdvajanja iz Budžeta nego ikad za sport, kulturu itd. onda se postavlja pitanje, pošto je Budžet izvršen sa suficitom, zbog čega nisu izvršenja Budžeta na navedenim pozicijama u 100% iznosu, a treba istaći da je Rebalans Budžeta donesen na nezakonit način.

Vijećnik Adis Abdurahmanović, kada se govori o podršci boračkim populacijama, građanima u stanju socijalne potrebe, zaboravi se reći da su najveću brigu za građane u stanju socijalne potrebe boračke populacije, prije svega izdvajanja sa viših nivoa vlasti, a kroz vijećničko pitanje zatražiti ćemo kome su dodijeljena sredstva za namjene koje su navedene.

Kada se govori o podršci mlađim sugrađanima a koji imaju potrebu sticanja prvog radnog iskustva bez zasnivanja radnog odnosa, ne želi se reći da se i u prethodnom periodu svake godine obezbjeđivala mogućnost sticanja prvog radnog iskustva kroz volontiranje u ništa manjem broju i da volontirali nisu samo oni za čije struke nije bilo moguće obezbijediti volontiranje u općinskoj administraciji ili javnim ustanovama i javnim preduzećima, a krajnje je tendenciozno reći da se ovo iskustvo uvjetovalo partijskim knjižicama.

Vijećnica Dženita Smajlović, primjedba je i što u uključivanje struke u radu općinske administracije govori partijska struktura timova koji su danas bazirani upravo na partijskim knjižicama, pozicije što ranije nije bio slučaj te angažmanu kuća i institucijama iz pojedinih oblasti za izradu određenih dokumenata, a ne korištenje lokalnih stručnjaka i kadrova. Dalje kad se govori o broju sastanaka i razgovora sa građanima, treba reći da je u ranijem periodu bilo vjerovatno i većeg broja sastanaka i prijema građana, ako ni zbog čega drugog, onda zbog elementarnih nepogoda iz maja 2014.godine, pa zbog toga ne znam zašto ovdje se to navodi kao posebno je bitno to istaći taj broj sastanaka i razgovora.

Vijećnica Irena Herceg, replika – ja moram replicirati i Abdurahmanoviću i Dženiti, kad se priča o tom nekom prethodnom periodu i kako je to bilo i volontiranje i zapošljavanje, iskorištavanje kadra prisutnog na području općine Maglaj. Ja sam jedan primjer koji tri godine nije mogao dobiti pripravnici staž u ovom gradu. Ne možete reći da je isto tako bilo i ranije. Ako je bilo isto tako i ranije zašto ste sad imali toliko volontera? Zašto je bilo 30 ili 60 ljudi koji su čekali po dvije tri godine da odrade pripravnici? Ja sam vam primjer koji nije odradio pripravnici, a bezbrojni su prijemi kod Načelnika, molbe, zahtjevi za „Natron“, za školu, za Općinu, a nikad ništa nije urađeno, tako da ta vaša izjava nije baš takva.

Vijećnik Nedžad Lokmić, replika – želio bih replicirati na konstataciju iz Kluba vijećnika SDA da je Rebalans urađen na nezakonit način. Dakle, radi javnosti rebalans je donesen na ljeto prošle godine sa jednim jedinim ciljem da se u zakonske okvire stavi potrošnja sredstava. Dakle, da sve bude zakonski i transparentno. Ponavljam većinom glasova na ovom Vijeću prošlog ljeta je usvojen Rebalans Budžeta.

Vijećnica Šefka Hasanić, replika – ja ću morati replicirati kolegici Ireni. Ako ste slušali naše izlaganje znači omogućeno je volontiranje bilo kome ko je bio stručno vezan i gdje se moglo omogućiti volontiranje. Da je bilo uvjetovano vaše zanimanje, vaše zanimanje vjerovatno nije pogodovalo radu u općinskoj administraciji, jer po zanimanju ste iz hemijske i tehnološke struke. Da nije bilo tako ne bi volontirao sin Ružice Rmuš da je bilo uvjetovano stranačkim knjižicama, Darko Dželilović, član Formu mlađih SDP-a a volontirao je.

Držim se tačke dnevnog reda, ono što je napisano u Izvještaju i ono što je rečeno na sjednici Općinskog vijeća.

Druga replika se odnosi, čisto zbog javnosti vezano za rebalans Budžeta, rebalans Budžeta je donesen na nezakonit način to smo upozoravali i na sjednici Općinskog vijeća. Znači nije ispoštovana procedura kao i kod donošenja Budžeta Općine Maglaj. Znači nije održana javna rasprava, taj rebalans Budžeta nije bio javan, nije bio transparentan, jer građani ovog grada nisu mogli i bili u mogućnosti da učestvuju u raspodjeli viška sredstava koja su bila u rebalansu Budžeta.

Vijećnik Firuz Galijašević, replika – Lako možete dobiti podatke o svim volonterima koji su do sada obavljali volonterski rad i poslije od kako se to zove stručan osposobljavanje bez zasnivanja radnog odnosa. To možete dobiti i u Organima Općine i tada možete vidjeti koja su sve zanimanja radila u Općini i u prošlom razdoblju i u ovom. Znači, ne mogu reći da se nije pomagalo mnogim nezaposlenim VSS osobama da odrade pripravnici staž, a da li su imali mjesta za svoje zanimanje u Općini, to ćete vidjeti kad pogledate ko je sve radio. Bilo je raznoraznih zanimanja, a to isto možete pogledati obratite se i Službi za zapošljavanje dopisom, možete to i tamo dobiti. Znači, Irena je jedna od rijetkih koja nije mogla dobiti mjesto da obavlja volonterski rad.

Vijećnik Safet Jašić, Ko god uzme volontera u svoje okrilje treba izdati certifikat, a ja mislim da Općina da je mogla ne bi niko bio, a i sada tvrdim isto gdje god može Općina i bilo koja ustanova dat certifikat da je volonter odradio svoj volonterski rad ne bi to bio problem ni tada niti sad.

Što se tiče izvještaja može se primjetiti da se navodi u stavu 10. sa Vijećem je izvršen izbor novih upravnih i nadzornih odbora u skladu sa zakonskom regulativom čime su nelegalni i jednostranački odbori zamijenjeni odborima izabranim u skladu sa propisima i procedurama. Znači, istina da nisu sad jednostranački upravni odbori, ali su iz vladajuće koalicije. Nema iz SDA niko, a da nije istina da su bili jednostranački samo mi je jedno ime naumpalo iz prošlog saziva UO Asim Musaefendić koji je uzoran član SDP-a a bio je član u UO Dom zdravlja. Čuli ste od kolega mojih iz Kluba SDA šta su iznijeli, ja će dodati još nešto što oni nisu.

Čudi nas da danas se ističu posjete Britanskim, Turskim općinama a ranije je ta saradnja žestoko napadana upravo od vladajuće koalicije. Kada se govori o infrastrukturnim projektima koji su realizirani 2017. Godine, zaboravi se reći da su najbitniji projekti završeni zahvaljujući prethodnoj vlasti kao što su rekonstrukcija i asfaltiranje najveće putne dionice na području Moševca, realizaciji II faze rekonstrukcije ulice Srebreničkih žrtava rata, izgradnja infrastrukture na području Poslovne zone Misurići i saobraćajne petlje koja se nalazi na tom dijelu. Kada se govori o otvaranju nove dvije kompanije u vlasništvu stranih državljana, zaboravi se reći da je za kompaniju koja se nalazi u Poslovnoj zoni Liješnice, zemljište obezbijeđeno od tadašnje vlasti i uz potporu kantonalne vlasti i da je samo problem elementarne nepogode iz 2014. Godine bio razlog da izgradnja objekta ne krene puno ranije. Druga kompanija koja je smještena u sjevernom dijelu grada, ukoliko se misli na nju sa svojim radom je započela puno ranije i to u Domu MZ Misurići. Da je izvršen izbor novih UO i NO i to na nezakonit način, upravo je kod izbora tako nelegalan izabran i UO i NO uvjet bio partijska knjižica, stranke koja je u poziciji, što ranije nije bio slučaj, nego su upravo u prethodnom periodu birani najsposobniji bez uvjetovanja partijskih knjižica. Maglaj je uvijek obilovao kulturnim događajima kad se radi o Studentskom ljetu, a Studentsko ljetu koje se spominje nije ništa bilo bolje organizovano nego u ranijem periodu, a najznačajnije što se desilo u te dvije festivalske večeri su bili nastupi profesionalnih pjevača i grupa. Prvi put se desilo da naš maglajski orkestar nije mogao nastupiti na ovim festivalskim večerima iako je taj orkestar vezan za tradiciju Studentskog ljeta, ali vjerovatno ovaj put za njih nije bilo mesta jer su bila daleko veća finansijska izdvajanja.

Tražimo da nam se dostavi finansijski izvještaj organizacije Studentsko ljetu.

Kada je u pitanju obrazovanje i osnivanje IT Gimnazije zaboravi se reći da su upravo kantonalni Premijer i Vlada ZDK u proteklom periodu, pa i danas uvijek radili na očuvanju naše Gimnazije, pa tako i ovaj put dali punu podršku kako bi se našao način da se ista ne ugasi zbog broja učenika.

Na kraju samo da istaknem, kako to ranije ova administracija nije ništa valjala, kako je to govorio podnositelj izvještaja u prethodnom periodu, a danas je dobra vjerovatno iz razloga što je promijenjena vlast.

Vijećnik Edib Delić, ja će reći par stvari oko Izvještaja Jedinstvenog organa uprave, naravno obratiti će pažnju na mjesne zajednice, odnosno na ovaj zadnji stav prije zaključka na zadnjoj stranici Izvještaja. Ovdje se pominju mjesne zajednice, znači Načelnik je u prvoj svojoj rečenici rekao da nije zadovoljan radom pojedinih mjesnih zajednica između ostalog te su mjesne zajednice nabrojane i između ostalih tu se nalazi i moja mjesna zajednica koju ja vodim, tako da smatram da sam i indirektno prozvan kao neradnik u mjesnoj zajednici.

Međutim, ove konstatacije po mom mišljenju i stavu Kluba su netačne i tendenciozne. Ja ne znam po kojim kriterijima je donesen ovakav stav? Da mi je znat po čemu je to rangirana mjesna zajednica, da li radi, da li ne radi, da li ima kakav protokol, odnosno program tih aktivnosti? Mislim da je ovo jedna paušalna ocjena od strane Načelnika, i da nema mesta ovakvoj tvrdnji. To pokazuje i rad na terenu i po meni ovo je samo određeno samo po stranačkoj pripadnosti. Kad se pomenu Mjesne zajednice Kosova, Moševac, Ravna, Misurići, Ulišnjak, Novi Šeher, Čobe i Kopice. Svi mi ovdje znamo ko vodi ove mjesne zajednice. Nikakvih argumenata za ovakve tvrdnje nije gospodin Načelnik imao. Slušaju se priče i donose se jednostrani zaključci, slušaju se priče građana, naravno mene u mojoj mjesnoj zajednici ne mogu voliti svi, ima onih koji me vole i koji me ne vole. Ja sam to raskrstio '92. godine, tako da me ta činjenica ne boli, ali tvrditi da moja mjesna zajednica ne radi i da ne rade ove ostale mjesne zajednice, a znamo vrlo dobro da smo na prošloj ili prethodnoj sjednici za ovom govoricom govorili kako te mjesne zajednice, naprotiv dobro rade. Ja se ovdje ne želim braniti niti prati, ja za svoj rad odgovaram svojim građanima koji su me birali u mjesnoj zajednici, ne odgovaram gospodinu Načelniku. Po hijerarhiji i Zakonu o principima lokalne samouprave naravno da Općina ima pravo da kontroliše rad svih mjesnih zajednica pa i moje, ali napisati ovako teške i grube riječi ne stoji.

Predsjedavajuća OV, ja sam svima dostavila izvod iz Poslovnika o radu OV, pa samo da se pridržavamo Poslovnika OV vezano za diskusije. Svaki vijećnik može dva puta diskutovati po jednoj tački dnevnog reda, osim predsjednika Kluba.

Vijećnica Dženita Smajlović, ja želim da se nadovežem na kolegu Delića, jer ovdje u ovom Izvještaju rečeno je, navedene su mjesne zajednice koje su prednjačile u negativnim aktivnostima, ne znam koje su to negativne aktivnosti i upravo su navedene one mjesne zajednice koje iole rade i koje su iole aktivne. Želim da pitam gospodina Načelnika, kakva su vaša očekivanja vjerovatno su ambiciozna, kako da s vama sarađuje jedna Kosova, kada vi izjavite da vam se povraća na tu mjesnu zajednicu. Ili npr. da Kopice s vama sarađuju kad vi kažete da u Kopice neće otići ni jedna marka preko predsjednika mjesne zajednice. Ja ne znam onda preko koga će. A vjerovatno da sam ja prihvatile vaš prijedlog koji se kosi sa mojim moralnim načelima i sa položenom vijećničkom zakletvom vjerovatno se Čobe ne bi našle na ovoj listi mjesnih zajednica, vjerovatno bi tad bili zadovoljni.

Vijećnik Mustafa Bešić, replika – pošto se priča o mjesnim zajednicama, ja ne mogu a da ne repliciram kolegama. Gospodo draga ja sam prošli mandat sjedio tamo na vašem mjestu. Četiri godine vodim mjesnu zajednicu. Nikad niko me nije pitao, o čemu vi pričate, ne mogu vas shvatiti. Dadnete ljudima koji nisu, upravljaju dovuće se kamion pijeska koliko će puta govoriti, izabran legalno sve obilazite mjesne zajednice, što ne nabrojiš i mjesnu zajednicu Brezove Dane, Domislca, ko je gore predsjednik mjesne zajednice. Dođe i drugi predsjednik mjesne zajednice u selo i upravlja gdje će se šta uraditi, a Bešić sjedi tamo negdje, a narod ga izabro legalno. Ne možete ga pobijediti i da opet i ne mogu stvarno da ne repliciram i moram vam skrenuti pažnju. Jel vi prihvivate da je načelnik općine Maglaj Mirsad Mahmutagić dobio najviše glasova na općini Maglaj i da je Mirsad Mahmutagić, načelnik općine Maglaj, napravio sebi koalicioni blok koji će surađivati s ljudima. Ja vas ne mogu shvatiti, ne možete prihvati da je čovjek pobjedio na općinskim izborima. Vama je izgleda krivo što vi ne možete upravljati Budžetom Općine Maglaj kojim ste upravljali 10 godina, gdje ste turali u džepove kome ste htjeli. Sramota, dajte shvatite prihvate jednom stvarnost.

Vijećnik Edib Delić, replika – ja nisam ovdje izašao da kritikujem Mjesnu zajednicu Domislca, niti me zanima šta se radi gore i kako se radi. Ja sam izašao da kažem svoj stav, zato što sam direktno prozvan da ne radim ništa u mjesnoj zajednici. To su različite stvari. Načelnik ako je prepozna problem u Moševcu, što nije pokuša riješiti to je njegova zakonska obaveza da rješava probleme u mjesnim zajednicama, a ne da ih dalje produbljuje i stvara. Zato prima platu, nije samo bitno konstatovat problem i ne raditi ništa. Moraju se rješavati problemi ako ih ima, a ja neću da vi meni Bešiću držite predavanje ovdje. Ja znam da je Načelnik dobio najveći broj glasova, ali je on trebao da bude Načelnik svih građana općine Maglaj, a ne samo tamo gdje su stranački podobni ljudi. Ja ne tražim od gospodina Načelnika da on meni daje sredstva, moja mjesna zajednica će biti sa mnom i poslije mene i bez mene i bez načelnika, ona će postojati, ona će raditi. Tako da nemojte sebi neke stvari držat nama predavanja. Znam ja vrlo dobro koliko je Načelnik dobio glasova i neka je ali treba da bude načelnik svih građana općine Maglaj, a to sada nije.

Vijećnik Mustafa Bešić, replika - de mi samo recite kako je bilo u prethodnim mandatima? Mene zanima jer sam ja vodio i u prošlom mandatu.

Predsjedavajuća OV, gospođo Hasanić ne znam koliko puta sam to rekla, molim vas dozvolite mi da vodim sjednicu. Nemojte raditi moj posao.

Vijećnik Mustafa Bešić, Načelnik u prethodnom mandatu nije bio uopšte Načelnik. Dirigovao je iza njega čovjek gdje će ga ko zaokrenit. Samo je bio nako, ovaj bar čovjek ima svoje ja i evo ga tu je s nama. Niko ne sjedi iza njega.

Vijećnik Elvir Vehabović, replika – nabrojan je član UO Asim Musaefendić prof. mislim da on nije bio u sastavu prije ovog Upravnog odbora, nego tamo prije nekad. To čisto formalno. Druga stvar kaže se ovdje u rečenici da su iskritikovane mjesne zajednice pa sad, zapamtio sam dio koji je meni bliži Moševac, Kosova, Ravna i sve to i kaže i zna se zbog čega je to tako. A kad je bio izvještaj rada i rasprava o mjesnim zajednicama, ovdje se svi kunu da nema politike u mjesnim zajednicama, pa mi sad nije jasno, ako su samo izdvojene neke mjesne zajednice za koje se zna zašto su izdvojene i ko je na njihovom čelu, malo mi se kosi sa onim nema politike u mjesnim zajednicama.

Vijećnica Edina Jašić, replika - želim da kažem ako toliko nije valjala ta prethodna vlast, a vi ste puno bolji sada, pa zašto se stalno vraćamo na to. Zašto vi radite tako ili kako već ne valja, ako je ova vlast toliko bolja i treba da radi kako treba?

Vijećnica Šefka Hasanić, ujedno da vas zamolim da budete fer i korektno i prema jednoj i prema drugoj strani kada se vijećnici obraćaju i traže replike, znači i ja smatram da izlaganje gospodina Bešića nije bilo vezano za tačku dnevnog reda, pa ga niste upozorili, pustile ste ga da priča i uvijek će reagovati i s mjestima i iza govornice u takvom slučaju kada popuštate jednoj strani ili držite se Poslovnika. Poslovnik važi za svih 25 vijećnika, a ne samo za 13 ili ove s druge strane.

Predsjedavajuća OV, opet vas molim nemojte diskutovati sa mjestima. Javite se za riječ, dobit ćete riječ i možete diskutovati.

Vijećnica Šefka Hasanić, samo u situacijama kad reagujete i ne držite vijećnike pod istim.

Ono što ćemo još napomenuti o ovom Izvještaju o radu Jedinstvenog organa uprave da je zaboravljeno pod tačkom 12. navesti možda jedan od prioritetnog rada ove općinske administracije ili koalicionog bloka je zapošljavanje podobnih srodnika koalicionih partnera, kupovine glasova u Vijeću u zamjenu za radno mjesto Upravnika Sportske dvorane, zapošljavanje ko policajaca i koje kakvih izmišljenih radnih mesta.

Vijećnik Firuz Galijašević, replika – moja replika se odnosi na izjavu u kojoj moj mještanin kaže da predsjedavajući vijeća mora da odgovara samo narodu. Onda mi nije jasno zašto se Izvještaji o radu mjesnih zajednica podnose i Načelniku i Općinskom vijeću. Znači da predsjedavajući vijeća mjesne zajednice moraju da odgovaraju i Općinskom vijeću.

Vijećnik Mirza Bradarić, ja sam pribilježio jako puno stvari, međutim neću iz jednog prostog razloga ako i ja nastavim ovim tempom nećemo završiti ovu prvu tačku do pet sati, a kamoli nešto drugo.

Što se tiče Izvještaja za 2016. Godinu, prvo Načelnice želim da vam se zahvalim što ste nam dostavili ovaj Izvještaj. Neki će reći da je to zakonska obaveza, ili što ste se uopšte pojavili na sjednici Vijeća kao Načelnik da

prezentirate ovaj izvještaj za 2017.godinu. Kada smo imali izvještaj za 2016. Godinu bivši načelnik gospodin Mustabašić nije se apsolutno udostojio ni da dođe ni da ponudi Vijeću izvještaj o onome što je radio.

Meni je drago što su kolege iz SDA jako aktivni, jer kada se sjetimo prijašnjeg saziva Vijeća u kojem sam ja bio i kolegica Hasanović i mnogi drugi, svi smo mi svjedoci da su njihova izlaganja trajala dvije minute do tri. Izlazili su vijećnici i govorili kako prihvataju izvještaj načelnika i to je to uz koju pohvalu.

Ja neću puno komentarisati ovo meni je dovoljan dokaz naši građani sa područja općine Maglaj koji imaju sve pohvale vezano za načelnika općine gospodina Mahmutagića iz jednog prostog razloga jer je to golin okom vidljivo. Napomenut ću samo par stvari, kad je u pitanju rasvjeta. Za 12 godina vlasti bivšeg načelnika bio je problem promijenit sijalicu, a kamoli rekonstruisat uličnu rasvjetu. Ovo govorim iz razloga što svi oni koji su bili u prošlom mandatu vijećnici OV znaju da sam i ja i mnoge moje druge kolege zajedno sa školskim odborima MSŠ, Opće gimnazije i Prve OŠ, a nekoliko puta molili Načelnika općine gospodina Mustabašića da instalira dole još dodatno dva stuba kod tih škola iz jednog prostog razloga zato što je dole bilo jako strašno poslije druge smjene izaći iz škole. Predstavljalo je i opasnost za djecu, a bogami i za nas koji dole radimo. Mrkli mrak a dodatna činjenica još potkrepljuje to da je u tom periodu jako puno bilo pasa latalica, kojih danas kad pogledate u gradu nema. Koliko smo čekali dugo i kada sam ja načelnika napomenuo da se ako bog da vraća nakon isteka mandata, nakon tih izbora vraća u školu, načelnik je onda to uspio i uraditi, a tebalo je mjeseci i mjeseci. Pogledajte sad uličnu rasvjetu ko god vidi dovoljno mu je.

Što se tiče sportskih klubova, isto tako moram napomenuti, ja nisam čuo da je i jedan sportski klub došao i rekao i uputio bilo kakvu primjedbu ili žalbu na Načelnika, s razlogom da se ne uplaćuju redovne tranše, da nema novaca, da ne mogu funkcionišati itd., a onaj ko je bio u prošlom sazivu može se sjetiti da sam također nekoliko puta u ime nekoliko sportskih klubova molio načelnika sa pismenim dopisima da barem nešto uplati sportskim klubovima kako bi mogli funkcionišati. Naravno to je načelnik odugovlačio iz sebi znanih razloga, možda ih i ja znam, a zna ih većina. Nažalost. Kada su u pitanju udruženja, redovne tranše idu. Infrastruktura funkcioniše. Kad pogledate, evo Načelnik je zaboravio ovdje u izvještaju ne znam zašto, spomenuti da je u protekloj godini potpisana „uel Boss“ jedan ugovor preko kojeg je zaposleno dosta omladine koja je završila srednju školu i preko tog ugovora je počela raditi. Ne znam Načelnike, zar ste to zaboravili a to je jako bitna činjenica. Mnogo omladine je zaposleno.

Kada je u pitanju ljetno i zimsko održavanje, pogledajte barem su prošle godine bili svi pozitivni komentari vezano za zimsko održavanje, a kada već spominjete i mjesne zajednice, kažete da Načelnik je spomenuo ovdje nekoliko mjesnih zajedница. Evo vam jedan tipični dokaz iz Mjesne zajednice Jablanica, gospodin Zijad Hrnjičić je molio bivšeg načelnika za projekte da se mogu aplicirati i gospodin načelnik uz svog partijskog šefa, je tada predsjedniku MZ Jablanica, rekao sve dok si ti na čelu ove MZ ova MZ neće dobiti ništa i toliko o vašem poštenju i priči o mjesnim zajednicama.

Klub SDP-a će prihvatiti Izvještaj o radu Jedinstvenog organa uprave Općinski načelnik za 2017. Godinu.

Vijećnik Adis Abdurahmanović, ja ne mogu a da se ne nadovežem na kolegu Delića i kolegicu Dženitu, pošto je i moja mjesna zajednica prozvana među ovim mjesnim zajednicama koje ne rade. Recimo da je istinito, što nije kad je već tako, ja bih pitao zašto gospodin Načelnik u ovih 16,17 mjeseci mandata nije se udostojio da ispravi to i da dođe i sastane se sa organima koji vode mjesnu zajednicu, ako ne zbog njih koji vode, barem zbog onih ljudi, jer ipak je u Kosovu na vaš konto fin broj glasova došao.

Salim Krzić, kao gost, ja sam danas došao kao građanin i kao predsjedavajući Foruma za bezbjednost građana općine Maglaj.

Želio bih da kažem da smo mi na Forumu bezbjednosti građana u više navrata raspravljajući o bezbjednosnoj situaciji na području općine Maglaj između ostalog ukazivali i na slabu osvjetljenost, ne samo gradskog područja, nego i u širem smislu kompletne općine Maglaj. Kažem pored ostalih problema mi smo na to ukazivali ima više od pet i više godina, gdje smo vrlo malo imali povratnih reakcija u smislu realizacije i rješavanja te vrste problema. Naime, direktori škola, vijećnik Bradarić je to napomenuo su u više navrata i pismeno i usmeno se obraćali između ostalog i Forumu za bezbjednost građana tražeći rješenje tog problema. Da ne bi ja dužio drago mi je da mogu u ime Foruma da se zahvalim Općinskom načelniku i njegovim saradnicima da su konačno taj problem razriješili sa ovom novom rasvjetom bar slušajući građane, odnosno roditelje đaka koji su se i meni lično na ulici obraćali.

Drugi problem također je pomenut je problem pasa latalica. Znamo koja je to najjezda bila. Mi smo na to također ukazivali u više navrata i evo konačno ako ostane ovako kako je danas mi u Forumu možemo izraziti svoje zadovoljstvo da je taj problem za sada razriješen na odgovarajući način bar ja lično nemam informaciju da se dešavalо da psi ugrizu ili napadnu nekog od roditelja, djece, odraslu ili mlđu osobu. U tom smislu bih htio također da se u ime Foruma zahvalim Načelniku i njegovim saradnicima da su i taj problem bar za sada razriješili.

Slijedeće kao građanin htio bih da kažem pošto komuniciram sa puno ljudi, vidan je pomak na području govorim o gradskom i prigradskom dijelu nisam obilazio teren Načelniku i njegovim saradnicima da su i taj problem bar za sada razriješili.

Slijedeće kao građanin htio bih da kažem pošto komuniciram sa puno ljudi, vidan je pomak na području govorim o gradskom i prigradskom dijelu nisam obilazio teren ali vidan je pomak u infrastrukturnom dijelu se sadio zadnjih godinu, godinu i po dana. Ja ne kažem da i ranije nije što šta činjeno, rađeno i učinjeno itd. ali je činjenica da zadnjih godinu, godinu i po dana imamo vidne pomake bar po onome što vidimo, a evo i slušamo građane koji

putem sredstava informiranja izražavaju svoje mišljenje. Ja kao građanin, kao penzioner želim da se zahvalim općinskoj administraciji na čelu sa Općinskim načelnikom da imamo te pozitivne pomake. Ja ne kažem da je dovoljno urađeno, ali mislim da kad se kreće koracima i onim malim kratkim da će jednog dana još niz problema kao takvih razriješenih. U tom smislu sam osjećao za potrebu da se obratim vama danas i da kažem izrazim svoje zadovoljstvo kroz ovaj izvještaj o radu Jedinstvenog organa Općine Maglaj.

Općinski načelnik Mirsad Mahmutagić, hvala svima koji su diskutovali, izneseno je ovdje niz neistina, znam odakle dolaze i ne mislim se njima baviti i ne mislim ovdje otvarati raspravu da gubimo čitav dan za jednu tačku dnevnog reda. Imat ćete Izvještaj o Budžetu, imat ćete priliku da vidite koliki je bio deficit, koliki je suficit pa ćete vidjeti razliku. Imat ćete priliku da vidite koliko je ubrano sredstava od PDV da je manje nego ranijih godina, kukaju sve općine u BiH, a vidjet ćete koliko smo ubrali mi na području općine Maglaj, a ove godine ćemo još više. Nema ovdje veze ni sa kakvim Isovicićima, nego ima sa Mahmutagićima.

Što se tiče ovih netačnih navoda, neću da kamentarišem. Hoću da prokomentarišem zbog javnosti pominjanje partijskih knjižica u izvršnoj vlasti. Ja ću pomenuti neće se naljutiti tri ili četiri osobe iz općinske administracije. Gospodina Hajrulahovića znam dugo godina, prijatelji smo nikad ga nisam pitao da li ima neku partijsku knjižicu, a znam da nema SDP-ovu, niti me interesuje. Isto vrijedi i za gospodu Senadu Alibajraktarević. Nema SDP-eovu, da li ima SDA-ovu ili neku drugu to je njena lična stvar i tako vrijedi i za ostale. Ako ste mislili na savjetnika Jasmina Kapića, pa čovjek je član SDP-a, pa ne mislite valjda da ću dovesti vašeg predsjednika da me savjetuje. Što se tiče netačnih navoda za volontere, preko 60 volontera je dočekalo mene, čekali su neki godinama da dobiju priliku da volontiraju. Svi su završili, ja neću da kažem kako sam se neki dan oprostio sa jednim volonterom, na koji način mi se zahvalio, koga je prozvao i što je traženo od volontera, da bi volontirao, završio je i otišao sretan. Ono što ću reći zbog javnosti bilo koje dijete sa područja općine Maglaj koje je završilo i treba da volontira i nebitno je koja je struka nači ćemo poziciju gdje će volontirati i neka se jede. Volontera je „manjak“ draga mi je da pronalaze posao da se zapošljavaju, ali priliv i novih onih koji završavaju dobro došao. Svi koji budu mogli doći u Općinu, koji ne budu mogli u Općinu načemo im drugu poziciju, uglavnom će završiti volontiranje i neće im biti interesantna ni partijska knjižica niti zvanje kao što je to bilo kod naše vijećnice Irene.

Što se tiče infrastrukture urađeno je više nego što je navedeno u izvještaju i bit će urađeno, bit će redovno rađeno, bit će rađeno transparentno podjednako koliko možemo, ali naravno uvažavajući prioritete.

Kad su u pitanju mjesne zajednice, to moram prokomentarisati. Ja sam nabrojao mjesne zajednice koje imaju svoje organe i u kojima je upravo politika broj jedan. Mjesne zajednice koje ne priznaju Načelnika, mjesne zajednice koje rade po uputama svog stranačkog šefa, neko nam je prošle sjednice pročitao kako se poziva na sastanak mjesne zajednice. Da se uključe u rad sigurno bi kvalitetnije radile, uključuju se u opstrukcije. Evo vijećnik Abdurahmanović je pitao za Kosovu a to može vrijediti i za Moševac, Ulišnjak, Misuriće itd. imali ste nekoliko zborova u mjesnoj zajednici nikada niste pozvali Načelnika da prisustvuje Zboru mjesne zajednice. Dakle, da ste pozvali, nemorate nijekat glavom možete provjeriti da li je ikad Načelnik pozvan, ali ni telefonom nije pozvan. To ne daje za pravo da se po fejsbuku lupa sve i svašta. Evo i za mještane Kosove inicirao sam im da počnu raditi i oformljen je jedan građevinski odbor i nije jednostranački nego je građevinski odbor gdje je većina ljudi obrazli koji će vjerovatno u Kosovu nešto napraviti i ove godine i ostalim mjesnim zajednicama, koliko to sredstva budu dozvoljavala. Radim projekte ranije započete od strane SDA i to će vam vjerovatno biti razlog da podržite ovaj izvještaj.

Predsjedavajuća OV, zaključujem raspravu i stavljam na glasanje

Z A K L J U Č A K

1.1. Usvaja se Izvještaj Jedinstvenog organa uprave za period 01.01. – 31.12.2017.godine.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Fermić (DF) Fikret Delić, Mustafa Bešić, Kanita Bašić samostalni vijećnici

Glasalo 10 glasova protiv: Adis Abdurahmanović, Nedžad Alispahić, Mirsad Bežić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik.

Glasalo 1 glas uzdržan: Josip Jurišić (HDZ).

AD- 2 Program rada Jedinstvenog organa uprave za 2018. godinu;

Otvaram raspravu

Vijećnik Firuz Galijašević, Klub SDP-a će podržati Program rada Jedinstvenog organa općine za 2018. godinu. Moram se dodataći plana rada Službe za BiZ, opću upravu i društvene djelatnosti, ovdje su navedeni slijedeći poslovi koje služba radi, to ima nekih osam bitnih poslova, a godišnji ciljevi su im unapređenje zdravstva i socijalne zaštite. Vidim piše unapređenje a još uvijek se nije maklo ni milimetar. Ne govorim to, znam da mnogi

povratnici nemaju pravo na zdravstvenu zaštitu. Nikada nisam čuo da se Služba obratila bilo kojem ministarstvu da nađe rješenje kako da obezbijedi zdravstvenu zaštitu svim povratnicima. Oni imaju najveći problem, stanovnici ovog dijela pripadnici Armije su mogli uvijek ostvariti zdravstveno osiguranje preko boračke, ali povratnici ne. Druga stvar što me zanima stoji u tim ciljevima pomoći demobilisanim nezaposlenim borcima u ostvarivanju jednokratne pomoći. Ja am demobilisan borac, igrom slučaja nemam člansku kartu ni jednog udruženja boračkog. Tražim da se u ove ciljeve uvede i savjetodavna pomoći zaposlenim demobilisanim borcima. Ja vjerujem da se mnogi zaposleni demobilisani borični nemaju kome obratiti.

Općinski načelnik, to je okvirni program materijal je pred vama, sve što bude u međuvremenu i prijedloga i sugestija i gdje se otvore mogućnosti za neke nove aktivnosti svakako da ćemo to uvažiti i bit će toga i u radu samog ovog Vijeća.

Predsjedavajuća OV, zaključujem raspravu i stavljam na glasanje

ZAKLJUČAK

2.1. Usvaja se Program rada Jedinstvenog organa uprave za 2018. godinu.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhammed Hrnjić, (SBB), Elvir Vehabović (SBiH), Hajrudin Fermić (DF) Fikret Delić, Mustafa Bešić, Kanita Bašić samostalni vijećnici

Glasalo 10 glasova protiv: Adis Abdurahmanović, Nedžad Alispahić, Mirsad Bežić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik.

Glasalo 1 glas uzdržan: Josip Jurišić (HDZ).

AD – 3 Izvještaj o radu sanitarno-komunalnog i vodoprivrednog inspektora za 2017. godinu i Program rada za 2018. godinu;

Otvaram raspravu

Vijećnik Nedžad Lokmić, govorim u ime Kluba SDP-a nismo u potpunosti zadovoljni radom inspekcija u protekljoj 2017. Godini. Cijeli Izvještaj smo detaljno analizirali i od osam stranica izvještaja u oči pada kako je dobar dio tog izvještaja posvećen raznim citatima zakonskih odredbi, ciljevima rada, problemu, nesamostalnosti ovog organa za razliku od kantonalne ili federalne inspekcije. Ne postojanje informatičke potpore, raznih odluka itd. U jednom dijelu se navodi kako je ovaj organ cijelu godinu provodio zakonske i druge propise i to preventivno i poduzimao kolektivne mјere, dok se represivno djelovalo samo u jednom slučaju, samo u jednom predmetu. Naveden je broj od ukupno 470 inspekcijskih pregleda, te broj zapisnika, odnosno službene zabilješke i rješenja da bi nakon toga stajalo kako samo jedna stranka je kažnjena sa 350 KM i to uz odgodu plaćanja od šest mjeseci. Ovdje imamo nekoliko pitanja:

- Kakav bi rezultat, da li su ti rezultati posljedica obimnosti posla i malo uposlenih ljudi?
- Da li je bilo konkretnih prijedloga prema Načelniku i Općinskom vijeću da se taj problem riješi?
- Da li je iko od 200 stranaka koje su se obratile inspektoru imao bilo kakav prijedlog rješenja datih problema?
- Da li se putem medija moglo umjesto 7 objavljenih obavijesti i upozorenja na RTV Maglaj i tri objave na Internet stranici Općine Maglaj moglo uraditi i postići više da se dva ili tri puta više slala takva upozorenja?

Izvještaj komunalne inspekcije dosta podsjeća na one od ranije uz puno ponovljenih stravi i opet bez konkretnog prijedloga ili ideja za rješenje navedenih predmeta ili anomalija na terenu. Sjetimo se samo problema koje su inspekcije na svim nivoima pravile oko pijace i kako je po mnogima tada trebalo zatvoriti sve pijace u gradu, pola kafića u gradu u kojima je navodno buka bila prejaka, a u drugim ista takva nije. Pomaci na poboljšanju uređenosti grada ipak su rezultat rada KJD, odnosno novog menadžmenta na čelu sa novim direktorom. Mislim na kraj prošle godine i početak ove godine.

U ime Kluba SDP-a iznosim stav da ćemo kod izvještaja ostati suzdržani, a Program ćemo podržati.

Vijećnik Mirsad Bežić, Klub vijećnika SDA prihvata Izvještaj o radu sanitarno-komunalnog i vodoprivrednog inspektora za 2017. godinu, kao i Program rada za 2018. godinu.

Vijećnik Safet Jašić, Klub SDA će poslije ove treće tačke uzeti pauzu od 10 minuta.

Predsjedavajuća OV, zaključujem raspravu i stavljam glasanje Izvještaj o radu sanitarno-komunalnog i vodoprivrednog inspektora za 2017. godinu.

Glasalo 12 glasova za: Adis Abdurahmanović, Nedžad Alispahić, Mirsad Bežić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA), Mustafa Buljubašić samostalni, Hajrudin Fermić (DF), Josip Jurišić (HDZ).

Glasalo 12 glasova uzdržanih: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Fikret Delić, Mustafa Bešić, Kanita Bašić samostalni vijećnici

Konstatujem da Izvještaj o radu za 2017. godinu nije usvojen jer nije dobio potrebnu većinu.

Z A K L J U Č A K

3.1. Nije usvojen Izvještaj o radu sanitarno-komunalnog i vodoprivrednog inspektora za 2017. godinu.

Dajem na glasanje Program rada za 2018. godinu

Z A K L J U Č A K

3.2. Usvaja se Program rada sanitarno-komunalnog i vodoprivrednog inspektora za 2018. godinu.

Glasalo 24 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Fermić (DF), Mustafa Bešić, Fikret Delić, Kanita Bašić, samostalni vijećnici, Josip Jurišić (HDZ), Adis Abdurahmanović, Nedžad Alispahić, Mirsad Bežić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik.

Pauza za Klub SDA 10 minuta.

AD – 4 Izvještaj o izvršenju Budžeta-Proračuna Općine Maglaj za period 01.01.-31.12.2017.godine

Senada Alibajraktarević, uvodno i obrazloženje po pitanju Izvještaja o izvršenju Budžeta-Proračuna Općine Maglaj za period 01.01.-31.12.2017.godine.

Na kraju mogu reći da smo mi jedna od rijetkih općina na teritoriji BiH, koja niti ima kreditno zaduženje, niti je opterećena deficitom iz prethodnog perioda, tako da naša općina može u budućem periodu konačno se okrenuti kapitalnim i razvojnim projektima.

Otvaram raspravu

Vijećnik Nedžad Lokmić, nakon nepuna tri mjeseca u ovoj godini u prilici smo da se osvrnemo na izvršenje Budžeta-Proračuna Općine Maglaj za period 1.1. 31.12.2017.godine. I do sada smo uvijek izražavali nadu i uvjerenje da će i ovaj Budžet biti također i razvojni, što se pokazalo u ovom izvještaju. Iz izvještaja je vidljivo da je detaljno razrađen i urađen sa važećim zakonskim regulativama. Niti ovaj puta mi nećemo ulaziti u detalje i pojedinačno nabrajati pojedine stavke, kritizirati ih ili hvaliti, jer smo ubjedjeni da je Načelnik tokom cijele godine nastavio raditi na popravci prihodovne strane a sve u skladu sa zakonskim regulativama. Usvojili smo Budžet za 2017. Godinu koji je planiran u iznosu od cca 7,8 miliona KM, a izvršen je u iznosu od 7,2 miliona KM ili 92,44%. Sjetimo se da je 31.12.2016.godine tog dana bio višak rashoda nad prihodima u iznosu od 517.000 KM, a 31.12.2017.godine je višak prihoda nad rashodima u odnosu od 211.000 KM. Svakako vrijedi pomenuti uštede, odnosno smanjenja u Budžetu, pojedinim transferima, kako je Načelnik i obećavao tako da je u planu Budžeta za 2017. Godinu izvršeno smanjenje transfera za finansiranje parlamentarnih grupa-političkih stranaka u odnosu na plan za 2016. Godinu u iznosu od cca 38.000 KM, ili 34 %. Transfer za omladinski sport izvršeni su sa 31.12.2017. godine u iznosu od 155.000 KM, a njihovo izvršenje na dan 31.12.2016.godine iznosilo je 126.000 KM, što znači povećanje u odnosu na prošlu godinu za 22,41%. Transferi za invalidski sport izvršeni su sa 31.12.2017.godine u iznosu od 13,6 hiljada KM, a njihovo izvršenje na dan 31.12.2016.godine iznosilo 10.900 KM. Opet povećanje u odnosu na prethodnu godinu za 25 %. Posebno i uz svaku pohvalu treba istaći da su isplaćeni do sada najveći poticaji, odnosno subvencije za sufinansiranje projekata u poljoprivrednoj proizvodnji koje su izvršene sa 31.12.2017.godine u iznosu od 134.000 KM, a njihovo izvršenje na dan 31.12.2016.godine iznosilo je 45.000 KM. Povećanje u odnosu na prethodnu godinu 300%. Također moramo istaći da su pored poljoprivrede isplaćeni do sada najveći poticaji za sport, kulturu, zapošljavanje mladih poduzetnika popularni Startap u planiranom iznosu od 15.000 KM. Vrijedi svakako pomenuti da je završeno utopljavanje zgrade Doma kulture u iznosu od 80.000 KM. Isplaćene su općinske stipendije u iznosu od 25.000 KM, a prošle godine za tu istu namjenu isplaćen je iznos od 21.200 KM, ponovo povećanje u odnosu za 21 %. U planu Budžeta za 2017. Godinu izvršeno je povećanje za izdatke pripravnike-volontere sa iznosom od 25.000 KM na 45.000 KM u odnosu na 2016. Godinu, te na dan 31.12.2017. godine izvršenje na toj poziciji iznosilo je 37.900 KM. U planu Budžeta za 2017. Godinu je izvršeno povećanje za izdatke za održavanje, rekonstrukciju ulične rasvjete i sufinansiranje projekata energetske efikasnosti sa iznosa od 17.000 KM na 80.000 KM u odnosu na 2016. Godinu, te na dan 31.12.2017. godine izvršenje na toj poziciji iznosilo cca 74.000 KM, a na dan 31.12.2017. godine izvršenje na toj poziciji iznosilo je 37.900 KM. Po prvi put u Budžetu Općine Maglaj u 2017. Godini je bilo

planirano sufinansiranje sanacije fasada stambenih zgrada u užem gradskom jezgru u iznosu od 15.000 KM, a na dan 31.12.2017.godine izvršenje na toj poziciji iznosi je 9.461 KM. U Budžetu za 2017. Godinu je izvršeno povećanje naplate za općinske naknade KGZ sa iznosa od 414.000 KM na 1.009.000 KM u odnosu na 2016. Godinu ili 243 %. Izvršene su uštede na PTT uslugama u odnosu n 2016. Godinu za cca 4.5000 KM, ili 15%. Izvršene su usluge na komunalnim uslugama u odnosu na 2016.godinu za iznos od 4.720 KM ili 27 %. I na kraju uvezši u obzir činjenicu da su se mogle uočiti najveće isplate do sada za sport, kulturu, poljoprivredu, poticaje, istovremeno povećavajući prihod iz domena općine, zatim smanjenje duga, odnosno dubioze od skoro 600.000 KM, najbolje realizacije Budžeta do sada da se rebalans Budžeta uradio na ljeto radi zakonitog , odgovornog i transparentnog trošenja, u ime Kluba SDP-a iznosim stav da ćemo naravno podržati ovaj Izvještaj.

Vijećnik Edib Delić, ono što me najviše боли то су текуći transferi prema mjesnim zajednicama. Analitički kod 614117 pod 1. Tekući transferi mjesnim zajednicama za redovan rad, bilo je planirano 30.000 KM, izvršenje je 30.000 odnosno 100%. Međutim, ja koliko sam uspio vidjeti tamo u prošloj godini sam dobio osam tranši za redovan rad mjesnih zajednica i s obzirom da je procenat izvršenja nešto iznad 92% smatram da smo trebali dobiti bar 11 tranši za redovan rad u mjesnim zajednicama. Pitam šta je razlog i kako se došlo do podatka da je izvršenje 100%? Zimsko održavanje nekategorisanih puteva, vrlo mali procenat izvršenja i to mi je jasno 39%, zima je uvjetovala izvršenje ove stavke. Međutim, slijedeća stavka obilježavanje značajnih datuma i kulturnih manifestacija procenat izvršenja je 38%. Zatim, obilježavanje dana bratimljenja između Mjesne zajednice Kozarac i Mjesne zajednice Kosova, također po meni malen procenat izvršenja 50%. Imajući u vidu da je ostvaren suficit na kraju 2017. godine zašto se nije izvršio transfer sredstava prema procentu izvršenja Budžeta?

Vijećnica Šefka Hasanić, imali smo priliku da čujemo da nije bilo deficit u Budžetu Općine Maglaj kako je to navedeno u Izvještaju Jedinstvenog organa uprave, pa ću vam pročitati iz Izvještaja Jedinstvenog organa uprave pod tačkom 1. Izvršena je stabilizacija Budžeta Općine Maglaj u smislu da je iz deficitu preko 500.000 KM itd. od šefice Službe je potvrđeno da nije bilo deficit tako da ovo što je napisano u izvještaju ne stoji.

Vijećnik Adis Abdurahmanović, stav Kluba SDA je da ne prihvata odnosno odbija Izvještaj o izvršenju Budžeta Općine Maglaj za period 1.1. do 31.12.2017.godine između ostalog zato što Rebalans Budžeta za 2017. Godinu nije donesen u regularnoj zakonskoj proceduri, te samim tim ne može se n i prihvati izvještaj o izvršenju Budžeta, a pogotovo što smatramo da je rashodovnu stranu Budžeta trebalo izvršiti u 100% iznosu, umjesto da se saniraju klizišta, urade novi projekti iskazuju se suficit u Budžetu, a na štetu građana. Imajući u vidu da pored navedenog nisu isplaćena planirana sredstva mjesnim zajednicama, sportskim klubovima, sredstva za kulturu. Evidentno je da je iskazani suficit rezultat povećanih prihoda od indirektnih poreza a što je rezultat rada Uprave za indirektno oporezivanje Federalne poreske uprave, naplaćenih sredstava od „Elektroprivrede“, te i pored svega nije ostvaren planirani prihod i on je niži u odnosu na planirani prihoda cca 500.000 KM. Na ovo smo ukazivali, a što je znak da je rebalans Budžeta bez obzira što je donesen na nezakonit način urađen tako da nijče uravnotežen plan prihoda i rashoda, što se vidi u izvršenju Budžeta.

Senada Alibajraktarević, kada je riječ po pitanju gospodina Delića, tranše za mjesne zajednice jesu išle osam puta u 2017. godini, ali je Služba koja je nadležna za praćenje mjesnih zajednica pojedine tranše radila u dvomjesečnom iznosu, tako da te tranše ne odnose se samo za pojedini mjesec, pogotovo se to odnosilo na prvi dio 2017. godine.

Što se tiče izvršenja po mjesnim zajednicama svjedoci smo bili da što se tiče snijega imali smo ga vrlo malo početkom 2017. Godine, a što se tiče kulturnih manifestacija mi smo striktno radili po odlukama nadležne Službe i u skladu sa onim što je bilo traženo i ispoštovano je.

Što se tiče pitanja vijećnice Šefke, ja sam rekla u uvodnom izlaganju ukupan deficit sa 31.12.2016. godine iznosio je 517.267 KM i u potpunosti je isfinansiran ostvarenim suficitom u 2017. godini.

Vijećnik Edib Delić, replika – tačno je da je bilo isplata prema mjesnim zajednicama u pojedinom periodu u duplom iznosu, ali sam ja računao i taj dupli iznos. Znači ipak je samo osam tranši ukupno i sa tim duplim iznosom prema mjesnim zajednicama u protekloj godini.

Općinski načelnik, 2017. Godina kada je u pitanju Budžet je dobra, zadovoljavajuća, činjenica je da je bilo deficit 500 i nešto maraka. Činjenica je da sad imamo suficita 200 i nešto hiljada maraka, pokazuje da pored sredstava koja stalno pominjete od „Elektrodistribucije“ koja su u 2017. Godini legla negdje od 500 hiljada, dakle, suficit od 200 hiljada govori da smo odradili dobar posao i da smo uveli prihode. Uprava za indirektno oporezivanje nije pratila plan, dobili smo manje ne samo Maglaj nego sve općine i to smo neki dan raspravljali u Sarajevu. Zašto je to tako iako je Uprava za indirektno oporezivanje prošle godine ubrala dosta više novca od planiranog govori o nekim pokazateljima koji se dešavaju gore a ne na području općine Maglaj. Što se tiče navoda zašto nije ispoštovan sport, kultura, poljoprivreda, ja vjerujte ne mogu razumjeti takva pitanja. Nadam se da i oni koji pitanju ne razumiju šta su pitali. Ako ste imali 162.500 za poljoprivredu a isplaćeno 130 i ne znam koliko a prethodne godine 40 i nešto, pa valjda vam je jasan pokazatelj. Druga stvar da vam pojasnim još jednom ne isplaćuje se više da se moli po kancelarijama stranackih predsjednika nego po programima usvojenim ili od strane Vijeća ili one koje donosi sam Načelnik. Prema tome, poticaj u poljoprivredi koji ste vi ovdje usvojili uz korekciju za malinare gdje je povećan iznos je u potpunosti realizovan i u iznosu tamo koji je bio, ako se sjećate kako ste usvojili bio je dio rezervnih sredstava koja se raspoređuju po potrebi i najveći dio i tih sredstava je raspoređen,

tako se odnosi i na sport. Sve što je planirano prema sportskim klubovima je realizovano većina iznad planiranih sredstva što je išlo iz rezerve. Ako od 160.000 planiranih gdje je raspodjela po programu bila 120.000 KM, a 40.000 KM rezerva izašlo se na 150 hiljada i nešto i to vam govori da je išlo korektno i korektno će ići. Ja razumijem da opozicija mora da kritikuje i neka kritikuje, samo želim ono zbog čega sam u suštini izašao da kažem ovaj famozni rebalans koji se kača i kad se govori o sportu i kad se govori o Budžetu. Rebalans Budžeta općine Maglaj koji je izvršen 2017. Godine čini mi se u 7-om mjesecu je identičan postupak kao što se vršio rebalans svih ovih godina u Općinskom vijeću Maglaj. Identičan postupak po kojem rebalans vrše i Vlade kantona i federalna Vlada, pa ako hoćete i Vijeće ministara. Dakle, lupanje, ako se lupa na 2017. Onda lupajte i 12 godina ranije i lupajte d se rebalans radio 30.decembra, a kad se radi rebalans 30. decembra onda se radi da se pokriju stvari da se uvedu sve u zakonsku regulativu. Ovo je po prvi put rađeno sredinom godine da se napravi korekcija i plan. I držat ćemo se i ovog Budžeta i ovaj ćemo vjeovatno rebalansirati u određenom periodu i po identičnoj proceduri kao što je bila i do sad i kao što to i drugi rade.

Predsjedavajuća OV, zaključujem raspravu i stavljam na glasanje

Z A K L J U Č A K

4.1. Usvaja se Izvještaj o izvršenju Budžeta-Proračuna Općine Maglaj za period 01.01.31.12.2018.godine.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić,(SBB), Elvir Vehabović (SBiH), Hajrudin Fermić (DF) Fikret Delić, Mustafa Bešić, Kanita Bašić samostalni vijećnici

Glasalo 10 glasova protiv: Adis Abdurahmanović, Nedžad Alispahić, Mirsad Bežić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Mumminović (SDA) i Mustafa Buljubašić samostalni vijećnik.

Glasalo 1 glas uzdržan: Josip Jurišić (HDZ).

AD – 5 Odluka o usvajanju godišnjeg obračuna Budžeta/Proračuna Općine Maglaj za 2017. godinu.

Otvaram raspravu

Vijećnik Nedžad Lokmić, kako se radi o zakonskoj obavez, pratećem dokumentu ovdje nemamo posebnih komentara, u ime Kluba SDP-a iznosim stav da i ovaj dokument prihvatom.

Vijećnica Edina Jašić, Klub vijećnika SDA ne prihvata Odluku o usvajanju godišnjeg obračuna Budžeta/Proračuna Općine Maglaj za 2017. godinu.

Predsjedavajuća OV, zaključujem raspravu i stavljam na glasanje

Z A K L J U Č A K

5.1. Donosi se Odluka o usvajanju godišnjeg obračuna Budžeta/Proračuna Općine Maglaj za 2017. godinu.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić,(SBB), Elvir Vehabović (SBiH), Hajrudin Fermić (DF) Fikret Delić, Mustafa Bešić, Kanita Bašić samostalni vijećnici

Glasalo 10 glasova protiv: Adis Abdurahmanović, Nedžad Alispahić, Mirsad Bežić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Mumminović (SDA) i Mustafa Buljubašić samostalni vijećnik.

Glasalo 1 glas uzdržan: Josip Jurišić (HDZ).

Na zahtjev mješovitog kluba Bešić, Delić pauza 5 minuta

AD – 6 Prijedlog Programa utroška sredstava – Finansiranje boračkih udruženja za 2018. godinu.

Otvaram raspravu

Vijećnik Delić Fikret, na sjednici održanoj 30.01. usvojen je Program rada OV za 2018. godinu. U Izvještaju o radu stoji da se dostavi izvještaj boračkih udruženja o finansiranju iz Budžeta Općine Maglaj. Ja nisam dobio nikakav izvještaj ni što se tiče finansijsa. Ovo što je Služba dostavila ja ne smatram ništa drugo nego nastavi ko i do sad. Kako kaže jedan političar, ne može nam niko ništa, tako kažu i ti predsjednici – predstavnici boračkih udruženja. Pitam kolegu Bešića on je bio 4 godine prije, ovo je šesta godina, da li je ikad iko dostavio od boračkih udruženja bilo kakav izvještaj sa finansijskim podacima. Šta mislite šta mi je kolega rekao? Znate šta kaže ministar za boračka pitanja da su borci i boračka populacija dobili 11 milijardi KM. Ko je visto od toga hajra? Ja

vjerujem da borci nisu. Pravi borci, istinski borci, sinovi ove države BiH koji su branili koji su se borili, koji imaju 50 godina do 60 godina. Imamo 1650 boračkih udruženja u FBiH. Od općine, kantona do federacije svi se finansiraju zamislite koja su to sredstva. Samo općina Maglaj koliko je izdvojila za ta boračka udruženja. Mi imamo Službu za boračka pitanja ona radi vrhunski i treba ih pohvaliti. Znači sve te obaveze koje rade boračka udruženja to se sve može prebaciti na Službu za BiZ. Smatram i slobodno mogu reći današnja populacija boračka i borci najveći krivci za ovo stanje boraca, a znamo u kakvom su stanju su kriva upravo ta boračka udruženja. Podijelili su borce, kako su ih podijelili matematički daj ti meni, daj ti meni 1650 udruženja sad borci nigdje nisu. Išli smo na proteste mislim 28.2. podržali smo te borce, ja sam podržao. Federacija je bila blokirana, kažu politički, nije to politički ljudi su gladni. Ono što sam ja vio ljudi su gladni. Mi u Maglaju imaju 9 kancelarija, 9 boračkih udruženja svako treba nahraniti i hranimo, samo ne znam do kad će to ići. Krenulo se odozgo Cazin, Bugojno, Tešanj, pa doće na red i Maglaj evo za 15 dana ćemo podnijeti naš klub tematsku sjednicu boračka udruženja. Tražit ćemo da se sve ukine. Tematsku sjednicu s jednom tačkom dnevnog reda biće problematika boračke populacije na općini Maglaj. Mi nismo protiv boraca, nemojte me pogrešno shvatiti da se ukinu boračka udruženja, ne samo finansiranje, marka, dvije odredi članarinu i finansiraj se, ali državna sredstva trošiti tolike godine, ne podnijeti nikakav izvještaj. Vidimo dokle ide ovo sve.

Vijećnik Nedžad Lokmić, moje ranije diskusije sa prethodnih sjednicu išle su i idu i dalje u prilog ovome što je kolega Delić istakao. Dakle, prekobrojnost boračkih udruženja je nažalost i dalje prisutna i tada sam predlagao i dalje stojim iza stava da treba nekako raditi na ujedinjavanju tih udruženja, smanjiti njihov broj ili osnovati nekakvu koordinaciju udruženja, dakle, prepisati ono što je pozitivno od drugih općina. I to će ići u prilog ovim dešavanjima, odnosno zahtjevima boraca koja su svakako opravdana.

Vezano za ovu tačku ja bih iznio stav da u biti podržavamo ovo što je navedeno u materijalu uz jedan prijedlog zaključka, da se tamo iz uvodnog dijela gdje su navedena taksativno udruženja i iznosi, odnosno član 2. Također ponovo naveden spisak udruženja sa iznosima da se taj dio izbriše da se ostavi samo okvirno udruženje, odnosno okvirna suma od 53.000 KM, dakle bez naziva udruženja i bez iznosa. Zašto to kažem? Kontaktiran sam od strane nekih udruženja, tamo sam izračunao ako bismo se pridržavali člana 4. Alineja 2. Koja kaže da je obaveza Općine da svakog do 15. U mjesecu u tom kvartalu isplati $\frac{1}{4}$ od 30% ovih sredstava i to po zahtjevu udruženja, koliko sam ih shvatio ini se upravo toga i boje. Recimo na CŽR to bi izašlo nekih 180 KM mjesечно i to ako bude redovito pristizalo. To njima vjerujem ne može biti ni za plaćanje struje, telefona, sekretarice, knjigovođe itd. u tom pogledu možda i dodatak zaključku da se Načelniku odnosno komisiji da ovlaštenje pri odlučivanju odnosno dotiranju tih sredstava kako se ne bi dovela u opasnost da se ugase. I naravno vezano za diskusije sa kraja prošle godine kada smo usvajali Budžet, odnosno obaveze boračkih udruženja, velika kritika jer kako čujem niti jedno udruženje nije dostavilo izvještaj o finansijskom poslovanju. Ako grijeshim izvinjavam se, ali kolega Bešić i Delić su rekli da ti izvještaji o utrošku sredstava nisu dostavljeni. Možda naravno za slijedeću sjednicu ako nisu da obavezno dostave takav izvještaj. Da u uvodnom članku izbacimo spisak udruženja sa iznosima, odnosno u članku 2. Izbacimo spisak udruženja sa iznosima i da se Komisiji i Načelniku da ovlaštenje, autonomija da pri odlučivanju u situaciji kada se dođe u krizu da sredstva ne stižu na vrijeme da Načelnik interveniše.

Vijećnik Hajrudin Fermić, ponukala me ova diskusija i prijedlog kolege Lokmića da izrazim svoju podršku ovom prijedlogu iz više razloga. Jedan od tih razloga je svakako da smo mi svi svjedoci u cijeloj Federaciji, pa i cijeloj BiH zaista ove situacije o kojoj je kolega Delić razgovarao svim ovim zakonskim izmjenama koje su to već na pragu, evo idemo na neki način u korak s njima a u isto vrijeme uvodimo i jedan princip pravičnosti i da kažemo uvodimo i princip sa prihvatanjem ovog prijedloga i uvodimo i princip jednakih šansi za različita boračka udruženja. Istovremeno ja izražavam svoju želju da se ni na koji način postojećim udruženjima na bilo koji način oteža taj rad, tako da bi sa ovim prijedlogom, prihvatanjem ovog prijedloga mi zapravo zaista uradili jednu i revolucionarnu stvar. Osim brisanja ovog uvodnog dijela u potpunosti samo treba staviti preambulu na osnovu tog i tog Zakona o principima lokalne samouprave donosimo ovaj program, ja bih također da se decidno kaže da Načelnik općine Maglaj ima ovlaštenja da kada ocijeni za potrebnim i opravdanim interveniše izmjenama ovih procenata u programu i naravno ono što je treće, da nam se redovno kontinuirano dostavljaju izvještaji o utrošku tih sredstava. Mislim da je ovaj prijedlog zaista dobar.

Vijećnik Mustafa Bešić, ispred Kluba iznosim naš stav, tražim od Načelnika da ne uplati ni jednu uplatu povodom programa, osim za nužne uplate znači režije dok ne dostave informaciju za 2017. godinu. Komisija ispred boraca nije dobila nikakvu informaciju o utrošku sredstava pa s tim molimo da nam dostavite, tražimo informaciju gdje trošite svoja sredstva. Manje-više svi su dosta toga rekli. Ja ću samo reći da je boračka populacija stvarno ugrožena i imat će opet blokade 15.04., ljudi izlaze sami. Imaju boračka udruženja koja trebaju da ih zastupaju, da brane njihove interese međutim oni tu sjede samo radi novčanih sredstava. Ni jednom mi smo išli tri godine sigurno i nikad niko nije izašao ispred boračkih udruženja da podrži, da nađe ljudima autobus da se vidi šta se može da uradi. Oni sjede u svojim kancelarijama i čekaju nešto, ne znam koga, a ovamo se kriju iza boračkih udruženja. Gospodo draga vidite li vi šta se dešava u Federaciji da su ljudi na -20 izašli na put i blokirali puteve. To nije nikakva politika, dajte riješite status boračkih pitanja, pa neće niko izaći. 20 i nešto godina ljudi trpe, jel u redu da komandiri naši koji su vodili nas u ratu imaju 600-700 KM primanja koje smo ih mi izabrali, a ovi ostali borci, šta su oni. Onaj sjedi sad fino i čita „Avaz“ i on sad ko fol frajer, koga si ti vodio, kako si došao do toga, da

ti nije bilo boraca ne bi imao ni ti ništa. To je sramota, trebaju da svi izašli i RVI i „Zlatni ljiljani“ da podrže borce. Mi ovdje nemamo ništa protiv udruženja, ali morate pomoći borcima, vidite li na ulicama kakvi su to ljudi. Smijete se tim ljudima sada, ali oni su bili gore po ovim brdima gladni i poderani. Bili ste i vi mnogi, ali ste vi riješeni, a oni nisu u tome je problem. Dajte malo solidarnosti pomozite tim ljudima. Ovdje nema niko protiv nikog ništa, a jel u redu da imaju jedni, a jedni da nemaju.

Vijećnica Šefka Hasanović, ja ne vjerujem da i jedna osoba koja sjedi u ovoj Sali OV ne pripada jednoj od populacija boračkih udruženja. Svi redom. I ja sam dijete demobilisanog borca, svoja prava koja sam zahtijevala sam imala. Vjerujem i ostali koji su tražili da ne pričamo pojedinačno ko je koliko poticaja dobio, koliko je ko tražio. Ja smijem otvoreno i glasno i jasno reći. Bila sam student, bila sam finansirana od strane Ministarstva za boračka pitanja 4 godine dok sam studirala. Smijetel vi ostali reći šta ste dobili od tog Ministarstva? Vidim jedan muk u Sali. Tako da prava boraca ona su regulisana zakonom imate prava, znači ne znam zašto umanjivati ovdje borcima ili uskraćivati im prava, uslovljavati ih nekakvim informacijama. Slažemo se trebaju informacije o utrošku sredstava iz Budžeta Općine Maglaj. Neka dostave to, ali na prethodnoj sjednici smo usvojili Plan i program rada Općinskog vijeća. Kada bude na redu informacija o utrošku sredstava neka nam se dostavi, vjerovatno nije vrijeme sad za to.

Vijećnik Elvir Vehabović, ja ču javno reći student medicine 6 godina, redovna medicina išao sam 8 godina, znači dvije godine obnovio tada nisam imao pravo na stipendiju, nikad marke ni od koga, znači što Općina, što Ministarstvo, ovo, ono, a otac demobilisani borac.

Vijećnik Edib Delić, ja ču iznijeti stav Kluba, znači Klub SDA je razmatrao prijedlog Programa utroška – finansiranje boračkih udruženja za 2018. godinu i iznijeti ču naše zapažanje.

Kako znamo u BiH je donesen i nikada nije proglašen nevažećim Zakon o udruženjima ratnih vojnih invalida, članova porodica šehida i poginulih boraca i demobilisanih pripadnika oružanih snaga („Službeni list RBiH“, broj: 33/95 i 37/95).

Pomenutim zakonom tri udruženja koja okupljaju RVI, demobilisane pripadnike oružanih snaga i članove porodica šehida i poginulih boraca su proglašeni udruženjima od posebnog interesa za RBiH.

Oružane snage RBiH su činili Armije RBiH, HVO, MUP i pripadnici ovih vojnih formacija su imali pravo organizovati svoja udruženjima u kojim se okuplja članstvo kako je gore opisano.

Na osnovu ovog zakona pomenuta udruženja su i formirana još u ratnim i poslijeratnim godinama. Pomenuti zakon sve dok se ne doneše novi ili se ne proglaši nevažećim je na snazi. To se u ovom slučaju nije dogodilo ali se u Parlamentu FBiH nalazi prijedlog Zakona o kojem će se vrlo brzo raspravljati, a po kojem se ova oblast pokušava urediti na identičan način kako je to bilo riješeno i Zakonom koji vam spominjemo.

Sa svim tim u vezi bitno je istaći za one koji ne znaju da se ova tri udruženja čije je članstvo proisteklo iz segmenta oružanih snaga RBiH sve do sada pa i sada iz Budžeta na svim nivoima finansiralo zbog toga što je to zakonska obaveza. Podrazumijeva se da je i moralna i ljudska obaveza pomoći rad udruženja onih koji su odbranili i spasili BiH od nestanka. Minimum koji je potreban za rad udruženja, da bi udruženje uopšte postojalo odnosno da se ne bi ugasilo je kancelarija, kancelarijski materijal, telefon, internet, struja, grijanje, po mogućnosti vozilo, što onda znači i troškove održavanja ili se aktivnosti obavljaju sa privatnim vozilom a imamo općina koje svoja službena auta i vozače stavlju na raspolaganje i pomažu rad ovih udruženja.

Usput da istaknemo da su i u RS njihova boračka udruženja proglašena od posebnog interesa za entitet RS i da njihovo finansiranje iz Budžeta nije ničim uslovljeno i ne dovodi se u pitanje. Ista takva situacija je u Republici Hrvatskoj sa tamošnjim udruženjima koja okupljaju njihovu branilačku populaciju. To su udruženja koje okuplja članstvo koje je pod posebnom brigom države i sa njima se ne mogu mijesati niti svrstavati u istu ravan nikakva druga udruženja ni organizacije. U svim ovim udruženjima neupitno je finansiranje ovog gore osnovnog paketa od strane države, neupitno je i u svim ostalim općinama u FBiH, kao i na višim nivoima vlasti.

S tim u vezi tražimo da se i na našoj općini sa ovim udruženjima postupa na identičan način jer to članstvo koje se tamo okuplja to i zaslужuje, što znači i mi to tražimo da se predviđena sredstva u Budžetu za rad ovih udruženja na isti način kao što je to bilo sve do sad prebacuju udruženjima bez ikakvog uslovljavanja a da se obezbijede posebna sredstva kojim bi se finansirali projekti boračkih udruženja. (pomoći bolesnom članstvu, posjeta u bolnicama, obilježavanje značajnih datuma i drugi projekti).

Podrazumijeva se da nadležni organi moraju kontrolisati zakonitost njihovog rada, da udruženja moraju pravdati utrošak tih sredstava i to je granica do koje se država treba i smije mijesati i kontrolisati njihov rad. Oni za svoj rad prije svega odgovaraju svom članstvu a ne bilo kojoj politici, ministru ili načelniku općine. To nam mora biti svima jasno sviđalo se to nama ili ne. Općinska ili vlast na većem nivou ne treba truditi se i hvaliti da što više i što bolje pomogla rad ovih udruženja i to je ono čemu trebamo težiti a što mi i tražimo od vas koji sada obnaštate vlast.

Iz gore opisanih razloga tražimo da se prije svega finansiranje boračkih udruženja koja potpadaju u gore pomenuti Zakon ničim ne uslovljavaju a pogotovo da se ne uslovljavaju da moraju dostaviti svoje programa i projekte, a koji moraju biti u skladu sa kriterijima koje će napraviti neki državni organ ili neka politička komisija. Plan i program rada udruženjima po svojim kriterijima prave i usvajaju nadležni organi udruženja na sjednicama svojih

skupština. Za pretpostaviti je da će ovi programi u najvećoj mjeri tretirati ista pitanja ali to se ipak mora ostaviti na slobodu udruženjima odnosno, politika se ne treba mijesati u njihov rad.

Drugo svjedoci smo da se kao loša stvar, ili kao nešto što je neprihvativljivo koristi podatak da u Federaciji BiH ima registrovanih 1600 boračkih udruženja. To je omogućio Zakon o udruženjima koji su ljudi iskoristili, na način da se sakupe trojica pa u skladu sa Zakonom o udruženjima građana formiraju tzv. boračko udruženje, a u stvari je to privatno ili udruženje neke političke stranke ili druge interesne grupe i prijave se na Budžet za finansiranje. U Maglaju srećom nema takvih udruženjima, nije ih bilo ni do sada.

Vi ste ovdje ubacili mogućnost jer vjerovatno planirate ili imate takav zahtjev ubacili ste ostala boračka udruženja, stavili ste novčani iznos od 5.000 KM za finansiranje tog ili tih nekih novih boračkih udruženja. Ta sredstava predlažemo da se rasporede na rad ovih ostalih boračkih udruženja koja se finansiraju. Znači ne treba postoji ni sumnja eventualno gdje će se i kome će se dati tih 5.000 KM.

Treće pitanje je vezano za udruženje antifašista UABNOR Maglaj. Tražimo da nam nadležna općinska služba zvanično obezbijedi tačan podatak: Da li u ovom udruženju ima živih boraca učesnika NOR 1941-1945. godina i koliki je taj broj.

U skladu sa tim koliko ima živih boraca drugog svjetskog rata članova tog udruženja, to udruženje se može smatrati i tretirati kao boračko udruženje. Svi ostali članovi koje se svrstavaju u ovo udruženje imaju se i trebaju tretirati kao klasično civilno udruženje građana koje njeguje neku tradiciju. Antifašizam kao ljudska civilizacijska tekovina pripada svima nam, mi smo po opredjeljenju antifašisti i smatramo da se nema potrebe praviti i finansirati posebno udruženje koje njeguje, ističe i bori se za neku opštu prirodnu ljudsku stvar u ovom slučaju antifašizam.

Podržavamo da se finansira njegovanje tradicije NOR 1941-1945. godina i antifašističkog opredjeljenja tog vremena ali jasno je da antifašizam ne pripada samo tom vremenu i ljudima iz tog perioda već pripada svima nama najvećem broju građana Maglaja koji se po prirodi tako osjećamo i nemamo potrebe to posebno isticati. U svakom slučaju se ne trebaju tretirati i svrstavati u rang boračkih udruženja.

Vijećnik Fikret Delić, kad čitate zakon, čitajte novi zakon BiH i Federacije o udruženjima. U Zakonu o udruženjima i fondacijama u članu 38. Stoji da se udruženja i fondacije financiraju iz članarine iz svoje članarine. Nema dalje nigdje ne piše u zakonu da se finansiraju udruženja. Nemojte se na to vadir, to vi uzmete tamo nešto iz zakona i nigdje to ne piše. Šta sam dobio kao borac, mogu da predstavljam i šehidsku porodicu, RVI, mogu i demobilisanog borca, ovdje iza ove govornice sve mogu. Ja kao demobilisani borac koji sam sva ratišta u BiH obišao i bio i obolio, istinu govorim imam dokaz, dobio sam ništa. Nisam dobio ništa, hoćete da vam kažem šta su predsjednici sadašnjih udruženja dobili. Imate spiskove, nema predsjednika boračkog udruženja u BiH i Federaciji da nije koristio ogromna sredstva, cifre im mogu nabrojati od Maglaja do kantona do federalije. Znatel' šta sad rade pojedini predstavnici udruženja? Našli su sad način novi, osnuju zadrugu boračku to su oni izmislili i udruženja boračka, izmisli sad zadruge boračke, osnivaju i Peru pare. To je tih 11 milijardi što je otislo na privatne, samo pojedinci od toga imali koristi. I ponavljam još jedanput, nisam protiv udruženja, ništa ne rade, ja sam protiv finansiranja. Ja meni udruženje i mnogi, nisam rekao da vi niste bili borci i RVI, ali znam da nema od toga nikо koristi. 9 kancelarija ponavljam kome to treba. Ja sam samo protiv finansiranja boračkih udruženja i jedno boračko udruženje na maglajskoj općini da bude i sve će podržati što bude bilo. Ja sam za borce, nisam ja protiv boraca i borim se za borce.

Vijećnik Edib Delić, replika – moram se osvrnuti ja razumijem kolegu Delića i donekle i Bešića. Prije tri mjeseca ste ovdje digli ruke za usvajanje Budžeta i složili se sa finansiranjem. Šta sad tražite? Prije samo tri mjeseca ste digli ruke i usvojili ste finansiranje tačno i jasno stoji za svako udruženje posebno.

Vijećnik Mustafa Bešić, replika – o čemu ti Edibe pričaš, braniš udruženja, a glasaš protiv Budžeta. Pa kako ćeš im dati pare, hajmi kaži ti sad za govornicom. Pričaš jednu priču i čitavo ih vrijeme podržavaš, a kad dođe Budžet i glasaš protiv i SDA glasa protiv, a čitavo vrijeme vi podržavate udruženje. Pa što ne glasate za ljudе onda. Nije niko naivan. I da ti kažem gospodine Deliću, jesil bio u vojsci, jesi, jesi penziju dobio fino ti jelde lijepo ti, a šta smo mi ovamo ostali. Šta je sa ostalim ljudima, pa šta tebe briga za ovim ostalim ljudima jelde? Smiješno pričat, znači meni je dobro, a mi ćemo sad ići po na -20 pa i mi smo bili borci.

Vijećnik Safet Jašić, mi smo iz Kluba SDA poslije pete tačke uzeli pauzu iz ovih razloga i usmjeravajte molim vas sjednicu u pravom toku. Bilo je ovdje svega iznesenog i što ne treba, ovdje se treba da priča o Programu utroška sredstava za boračka udruženja i da usmjerimo diskusije sve u tom pravcu.

Prestanak finansiranja udruženja boračkih je gašenje udruženja budite sigurni. Ta udruženja znamo koliko nam znače i od čega su i odakle su proizašli. Mnogo je Edib Delić rekao da bi ja bilo šta drugo govorio. I ova tri udruženja nemojte svrstavat ni u kakva druga u fondacije, civilna udruženja, ni jedno udruženje se ne može porebiti sa ova tri udruženja. I ovo je stav gospodin Delić je pročitao ispred Kluba SDA i od svih nivoa od općinskog do državnog i mi to smatramo kao potrebu države, ko bi nam čuvao i brinuo da prestanemo finansirati udruženja. Ko bi nam čuval arhivu, historija je historija i mi smatramo da ova tri udruženja, realno ovo nisu ni neka sredstva koja treba izdvajati i ako to općina može ne vidimo razloga. Znači što se tiče Kluba SDA mi smo za ova tri udruženja, sva civilna udruženja neka se gase i privatnih udruženja ima da ne kažem pa su se uspjeli uglavit u finansiranje iz raznih Budžeta, a ova tri udruženja su ostala proizašla iz toga i mi ćemo ih podržavati dokle god mi radimo ili živimo. Ostat će ona vjerovatno i poslije nas.

Vijećnik Hajrudin Fermić, možda samo da pomognem, pošto ima puno lutanja i navođenja zakona, odluka itd. da kažem da pokušamo naći neku analogiju kako je to urađeno na području ZDK. Imamo ovdje i to znaju predstavnici boračkih populacija, imam ovdje jednu odluku koja je urađena na osnovu člana 12. Zakona o dopunskim pravima branilaca i članova njihovih porodica, i zove se Odluka o finansiranju rada kantonalnih udruženja branilaca i članova njihovih porodica. U toj odluci koja utvrđuje poimenično koga sve žele, postoje 11 udruženja, nije samo ta tri koja pominje Klub SDA, nego 11 udruženja, naravno između ostalog i SUBNOR i u kojima stoji slijedeće; Da je obavezno da se najprije sredstva osiguravaju u Budžetu, da je obavezna raspodjela po kriterijima i u kriterijima, ovako stoji; Brojnost općinskih organizacija, utvrđene od članica kantonalnih saveza, utvrđene programske aktivnosti za tekuću kalendarsku godinu, realizacija aktivnosti i pravdanje utroška odobrenih sredstava u prethodnoj godini. Finansiranje, iznos sredstava za potrebe redovnog mjesečnog finansiranja rada udruženja iz člana tog i tog, utvrđuje se odlukom koju donosi Ministar ministarstva. Obustava finansiranja, dakle kad se obustavlja finansiranje, evidencije itd. Dakle, mi zapravo samo tom jednom analogijom kroz ovaj program radimo ono što je već odavno urađeno i uređeno na području i federacije i ZDK i ono što mi možemo danas da kažemo da su poimenično ta, ta udruženja ili da sva udruženja stavimo u ravnopravan položaj, a da naravno kakav je bio prijedlog mog zaključka da Načelnik vodi računa o ovim udruženjima, da vodi računa o tome da se ne ugrozi njihov redovan stabilan rad i posebno ono što je nama bitno rad na realizaciji određenih projekata. Mislim da bi bilo dovoljno i dobro da poprilično toga iskoristimo od onog što je već urađeno i što je praksa na području i federacije i ZDK.

Vijećnik Firuz Galijašević, previše smo sebični i mi demobilisani borci. Ovoliko raspravljamo o ovome. Kada smo zadnji put raspravljali da sačuvamo mlade naše da odu odavde, kada smo razmišljali da im se povećaju plate obezbijede bolji uslovi i radni odnosi. Ja sam čekam trenutak kada će moj sin meni reći, stari dosta mi je i tebe više i te tvoje vojske i rata, ovdje ste mi se popeli.

Vijećnik Safet Jašić, replika gospodinu Fermiću nije ništa zlonamjerno. On govori o 11 nekih udruženja, mi govorimo specijalno o ova tri udruženja. Ni o kojem drugom udruženju ne govorimo. Svi dosadašnji načelnici i današnji načelnik, nije nikad rekao da ne može finansirati ova udruženja. Ako načelnik kaže da to ne može finansirati, onda možemo pričati na tu temu ovdje drugačije. I ovdje se radi o očuvanju tih udruženja, ne radi se o bilo kojem pojedincu koji radi u tom udruženju. Samo ta tri udruženja i da smo malo razumniji oni bi imali poseban status u državi, onako kako je gospodin Delić pročitao. Nema nikakve politike, načelnik, općina smatraju da to mogu finansirati i ja ne vidim razloga. Ko će tamo raditi nije ni bitno.

Vijećnik Josip Jurišić, htio sam se samo nadovezati na ovo što je gospodin Galijašević rekao da njegov sin njemu kaže dovde ste mi se više popeli. I sam spadam u kategoriju tog tvog sina, ovdje su mi se više popeli. Dijete sam bio i ja i ja ne znam koliko će generacija trpit ovaj više nered. Ne znam odakle, bih sad počeo kako to sve posložiti, sve sam slušao koji su izlazili. Možda da krenem od ovih 11 milijardi koje su rečene. To su dva autoputa 5-C od Save do mora, a branitelji, branioci u nikad težem položaju. Susjedna općina Žepče ne finansira iz Budžeta nikakve udruge iz rata a sve postoje, ni jedna se nije ugasila. Obično svi koji su u tim udrugama imaju već fine i solidne mirovine i oni se i te kako mogu od toga sufinansirati. Kad je problem osobno se ide kod Načelnika i u Službu, govorim za Žepče jer znam i problem se riješi. Imam jedan prijedlog za Načelnika i za nas sve, problem ovih 53.000 KM koje treba raspodijeliti na udruženja. Teško je sad nekog prekrižiti i izbrisati iz nekog prava koje je crpio već nekoliko godina, to je meni jasno i jasno nam je svima, ali da trebaju imati razumijevanja svi, trebaju imati razumijevanja svi. Moj bi prijedlog bio da Načelnik pozove predsjednike, zakaze jedan sastanak svih ovih udruženja, ali svi da dođu i da oni sa Načelnikom utvrde model suradnje u svim vidovima, a pogotovo kad je riječ o novcu ili parama, onda su to žestoke rasprave. Znači u svim vidovima da se pokuša dogоворити sa njima što je to za njih i za braniteljsku populaciju najvažnije pa da oni iznjedre nekakav dokument, nekakvu zajedničku izjavu i da nam je donesu ovdje, pa da mi vidimo jel to u redu ili nije u redu. Ovako ja ne poznajem nikog iz tih udruženja osim HVO udruženja gospodin Marko znate ga svi, a o paradoksu kojeg mi imamo u BiH, to smo poznati nadaleko u svijetu to nema niko, što mi imamo. Ja ču govoriti iz perspektive dijeta, ja sam bio dijete i bio sam vani u školi tada, srećom pa nisam okusio strahote rata kao većina vas ovdje, ali paradoks je taj da se sad sva udruženja udružila sa svih strana sa sve tri strane i svi su branitelji iz svake strane iz očiju njihovih su svi branitelji. Pobogu ko nas je onda napadao. Znači nešto je sa tim zakonom i zakonskim regulativama vezanim za branitelje i braniteljsku populaciju riješeno sa nivoa države i jasno je nama zašto se to tako uradilo i zašto su te tolike milijarde otisle tamo negdje, sve je to bilo zbog glasova, međutim, ja se nadam da će doći do te pojave kritične mase kad sin tvoj poraste da će nas biti puno više i da ćemo moći o tome razgovarati i rezolutno svima po redu reći sve u oči kako i slijedi.

Općinski načelnik, ja bih htio da malo spustimo tenzije, očigledno je ova točka dnevnog reda otisla od svoje suštine, dakle, ovdje nije pitanje ko podržava boračka udruženja, il ne podržava, ko podržava borce ili ne podržava borce. Bilo je različitih stavova, činjenica je da su borci prepusteni sami sebi, najveći dio boračke populacije 'prepušten sam sebi u ovoj državi'. Činjenica je da se o njima nije vodilo računa nego kad zatrebaju glasovi, činjenica 11 milijardi kroz boračka udruženja, a znate koliko je otislo još kroz ministarstva resorne službe, to je mnogo novca. Činjenica je da u pojedinim općinama i u ZDK, ali i u federaciji postoje koordinacije boračkih udruženja koje funkcionisu i niko ne ukida udruženja. I ovdje nije bio zahtjev za ukidanje udruženja i nemojte iza

govornice da se iznose takve špekulacije. Vijećnici Delić i Bešić su neko ko se na njihov način bori za boračku populaciju, imaju pravo da iznesu svoje stavove, ali nemojte da lažno optužujemo ljudi ovdje, oni su podržali Budžet i podržali izdvajanja za boračke populacije i ova točka dnevnog reda nije trebala da oduzme ovoliko vremena. Trebalo je da vidimo ima li suštinski zamjerki, na predložene kriterije i sa ovom odlukom boračka udruženja neće biti zakinuta, samo će biti korektnija, korektniji odnos između Općinskog vijeća i boračkih udruženja, znat će se novac kad ide i gdje ide i dobit će se informacija i nije sporno. Ja godinu i po dana sarađujem sa boračkim udruženjima, nismo imali međusobnih nesuglasica, problema nekih, nadam se da nećemo ni imati, nema ni potrebe. Predsjednici udruženja moraju shvatiti da im ovom odlukom niko ništa ne uskraćuje, nego da samo moraju planirati utrošak sredstava. Priložit će komisiji svoj program utroška sredstava, sredstva su opredijeljena Budžetom i ići će onako kako komisija kaže. Kako će biti u budućnosti, ostavimo da vidimo. Evo špekulištemo ovdje da je Zakon o boračkim udruženjima u parlamentu, izade parlamentarac na TV i kaže još nije u parlamentu. Dakle, još se to gore valja okolo i niko nezna još pravu istinu. Završit će se i ta priča, doće novi zakon, vidjet ćemo kakav je zakon. Mi ćemo se naravno usuglasiti svojim stavovima sa zakonom koji bude bio i ja vas molim da izbacimo politiku. Nemojte molim vas da špekulišete sa netačnim pokazateljima, netačnim informacijama, da se međusobno optužujete za ono što nije, nekorektno je optužiti Delića i Bešića da ne podržavaju boračka udruženja, a da druga strana podržava i kad dođe Budžet ne dignu ruku za to. Nekorektno je to, barem se to prešuti kad se već govori. Ja vas molim da se vratite tački dnevnog reda da zvršimo to i da idemo dalje po dnevnom redu.

Fatima Mahmutagić, malo sam i rastresena, mi nismo imali nikad problema sa bilo kojim načelnikom općine, pa ni sa ovim kad dogovaramo određene stvari. Međutim, dolaskom na čelo službe djeteta šehida, nažalost imamo velikih problema. Evo nema je danas tu, a ona je obrađivač i ona je pripremila ovaj Program utroška, nažalost. Ne mogu reć da neće uticat na nas, jer ako usvojite ovaj akt ovako kako glasi, gdje se sredstva za rad dijele procentualno, pa kaže 30% od predviđenih sredstava ide i za redovan rad, ostalo ide većina po projektima, u Budžetu postoji transfer projekti boračkih organizacija u iznosu od 70.000 KM, prošle godine nije iskorišteno ništa. U Budžetu postoje transferi kojima se sufinansira i radi na pomoći za stambeno zbrinjavanje, na pomoći za kupovinu lijekova i ostalih i taj ste Budžet usvojili. Usvojili ste i naš iznos za finansiranje, uklopili smo se u njega, bez obzira što u jednom periodu od bio umanjen za 1.000 KM, neka je ako će Općini pomoći i održanju Budžeta, to da se nama smanji za 1.000 KM, neka mi se slažemo sa tim. Molim vas da se vratimo nivou općine Maglaj. Vi ste tijelo koje donosi odluke, ovdje za ovaj nivo. Nivo kantona, prepustimo da se brinu oni iako sam i tu uključena, a pogotovo nivo federacije. Ne možemo tvrditi i reći da demobilisani borci nemaju nikakvih prava. Demobilisani borci zajedno sa nama sve ove godine koriste prava po Zakonu o dopunskim pravima. Tačno je da nemaju nikakvu naknadu za svoje učešće u ratu. Taj borački dodatak sadržan je u zakonu koji je proslijeden u proceduru kako je on predložen, kako se dogovara sa Vladom federalnom, sa ministrom Bukvarevićem, ja neću ulaziti, to će znati vaše organizacije gore na nivou Federacije. Nama je ostalo u ovom dijelu da ovdje omogućimo transparentan rad ovih boračkih organizacija. Nije istina da nismo dostavili pravdanje za utrošena sredstva ko bi se to od nas usudio uzeti nešto što ima određenu namjenu i pravdati ih. Dostavljena šefu Službe, Načelniku na znanje, da li mu je dala to neznam. Šefica Službe nije dostavila komisiji...

U prethodnih 15 dana zaslugom ove organizacije koja se na nivou Federacije uspjela izboriti u Zakon PIO da uđe član 70. Iz Maglaja je 25 supruga vraćeno pravo na penziju koje im je oduzeto zato što nisu imale 45 godina kad su djeca završila školovanje. Mi radimo, redovi se tamo hvataju, znam da su i pojedini RVI došli u status penzionera, predali zahtjev imaju tu mogućnost zakon daje mogućnost. Postoje zakoni, treba ih dotjerivat i treba raditi. Na nivou ZDK ja moram reći jer sam predsjednik organizacije kantonalnog nivoa. Zakon o dopunskim pravima član 32. Tog zakona kaže Vlada kantona odobrava sredstva za rad i aktivnosti kantonalnih udruženja pripadnika branilačke populacije. Redovno ih dobijamo, nikad nisu ni zakasnili u 100% ispunjenju. Što se tiče finansiranja na općinskim nivoima i tu znak kakvo je stanje, težina finansiranja je u tri općine, a to je Vareš, Žepče i Doboj-jug. Nemaju dovoljno sredstava, imaju nešto ali nemaju dovoljno sredstava. U Žepcu četiri armijske komponente, četiri udruženja, dobiju jedan iznos i rasporede ga između sebe i rade i provode aktivnosti. Ostala udruženja HA komponenta to isto radi. Ovakvim programom utroška sredstava dovodite u organizacije u položaj, barem ove tri organizacije, dovodite nas u situaciju da zaključamo vrata u momentu kad je javni poziv za stambeno, kada je javni poziv za zapošljavanje svih pripadnika boračke populacije, za samozapošljavanje i kad očekujemo još jedan javni poziv preko Biroa rada, gdje su udružena sredstva Ministarstva za boračka pitanja i Zavoda za zapošljavanje i da se prioritet daje u zapošljavanju konkretno šehidskoj djeci. Nemojte nas dovoditi u tu situaciju, pravdamo sredstva onoliko koliko dobijemo, to i opravdamo. Projekte koje provedemo naravno da šaljemo pravdanje, zašto nije proslijedeno Komisiji, ja neću ulaziti u djelokrug rada šefa službe, ali nisam zadovoljna odnosom šefa Službe, kojeg nema ni danas tu. Mi smo sjeli po ovom aktu odmah kad smo ga vidjeli i donijeli određene prijedloge za izmjene ovog akta. Ako prihvivate ovo, ja jesam za to da se daje autonomija Načelniku da se s nama dogovara i da se radi. Mi se možemo dogоворити, можемо dosta toga zajedno uraditi i uradili smo u prethodnoj godini. Neću oduzeti puno vremena, ali ovo su usaglašeni stavovi tri boračke organizacije, ORVI, JOB, vi znate da je predsjednik te organizacije teško bolestan i očekuje poziv za operaciju i zato nije tu i ja. U uvodu akta koji je pred vama pod posljednjom stavkom upisana su ostala boračka udruženja. Mi

nikad neznamo ko su ta ostala boračka udruženja, ili upišite ko su ili ih brišite. Opći uvjeti teksta da glasi programom utroška sredstava finansiranja rad boračkih udruženja za 2018. Godinu predviđa se slijedeće. Do 15-og u mjesecu na račune boračkih udruženja izvršiti prijenos 1/12 od planiranih Budžetom za prethodni mjesec. Ovakav način finansiranja i transferisanja održati do usvajanja zakona udruženjima od posebnog značaja za BiH, a kojim su regulisana i prava i obaveze, ne samo jedno nego obadvoje. Također će predstavnici udruženja učestvovati u radu planirane komisije, a koja će donositi odluke o utrošku sredstava sa budžetskih transfera za pomoć stambenom zbrinjavanju, pomoć u kupovini lijekova, plaćanju specijalističkih pregleda jer do sad u to nismo bili uključeni, obilježavanju značajnih datuma, ali i dodjeli sredstava po projektima koji budu kandidovali prema općini Maglaj. Program će pratiti procent izvršenja Budžeta, a na svojoj redovnoj sjednici Općinsko vijeće u okviru razmatranja izvršenja Budžeta za 30.09.2018. godine i sačinjavaju rebalansa Budžeta će predvidjeti i odrediti odluku konačnog izvršenja za 2018. godinu prema boračkim udruženjima. U korisnicima programa ponovo se osvrćemo na ovu stavku koja je upisana, ostala udruženja, molim vas da konačno kažete ko su ta ostala udruženja za koja se izdvaja 5.000 KM. Međusobne obaveze u obaveze korisnika boračka udruženja 1. Stav da glasi za redovan zakonit rad udruženja vršit će se transfer sredstava predviđenih Budžetom i ovim Programom, ali ne dalje do 15.og u mjesecu za prethodni mjesec. U slijedećem stavu brisat riječ „programe“ jer mi smo programe dostavili u redovnoj proceduri ponovo šefu Službe, zašto nisu išli dalje, neću da ulazim u to. U obveze Općine tekst da glasi do 15-og u tekućem mjesecu izvršit će transfer sredstava za prethodni mjesec jer mi moramo zakonito da radimo i plaćamo obaveze. Sljedeći stav da glasi po odobrenim projektima za svako udruženje Općina će putem nadležne Službe donijeti odluku i dostaviti je Službi za privredu, finansije i razvoj poduzetništva na realizaciju. Po okončanju projektnih aktivnosti udruženja su u obavezi pravdati utrošak namjenskih sredstava po projektu. Obaveza je boračkih udruženja po ovom programu izvršiti pravdanje utroška sredstava za redovan rad dva puta godišnje i to na kraju I-polugodišta i na kraju budžetske godine.

Ja sam ovaj primjerak i pripremila i zajedno sa njima i ostavljam ga ovdje. Ponovo napominjem ova organizacija radi i drži se programa aktivnosti organizacije. Jedan od vrlo važnih je zapošljavanje članova organizacije sa posebnim osvrtom na djecu šehida piginulih boraca. U tome uspijevamo i to ćemo nastaviti. U ovoj organizaciji profesionalno uposlen je demobilisani borac samohrana majka. Ukoliko usvojite Program u ovakovom obliku kakav je sad i procentualno određen, ta majka, taj demobilisani borac bez obzira što jesmo za zapošljavanje će morati biti proglašena tehnološkim viškom jer nećemo imati mogućnosti da ispoštujemo Zakon o radu i vršimo naše obaveze prema uposleniku. Molim vas nemojte nas ograničavati procentima u realizaciji naših aktivnosti i projekata dozvolite da se dogovaramo sa onim ko je nadležan, ako je to Načelnik općine, onda nam dajte tu mogućnost, ali nemojte nas procentualno uslovljavat da mjesečno dobijemo 220,00 KM mi sa tim ne možemo ni račune za redovne režije ispuniti. Ako vam treba poseban izvještaj a razmatrani su ovdje na sjednicama Vijeća u ranijem sazivu i znali biti ocijenjeni kao odlični, stavite to kao tačku dnevnog reda i nije nikakav problem. Mi iza svojih aktivnosti svi stojimo i obavljamo ih baš radi naših članova. Za demobilisane borce jesmo svi za njih, ali jesmo za zakonito rješavanje. Zakon je proslijeđen on je odličan, treba samo pritisnuti federalni nivo da se usvoji i imat ćete sve. Samo ću još napomenuti za prošlu godinu ove boračke organizacije za koje je ova Općina iz Budžeta izdvojila 53.000 KM, ja ću govoriti o ove tri 3x9 znači 27.000 KM su povukle sa raznoraznih osnova iz Ministarstva za boračka pitanja šaljući zahtjeve pomažući članovima da se obrate za određen dio prava na nivo općine Maglaj ostvareno je oko 800.000 KM. Molim vas nisu to male pare. U većini slučajeva to su ostvarena prava, dopunska prava u većini slučajeva najmnogoljudnije organizacije a to je Organizacija demobilisanih boraca. Molim vas svaki drugi nivo ostavite nek se rješava na drugom nivou. Gledajte nas na nivou općine, mi sa vama možemo raditi, naša su vrata otvorena i svaki problem se može riješiti ali komunikacijom i dijalogom.

Edisa Šehić, ja sam samohrana majka djeteta šehida, inače po svom statusu sam demobilisani borac. Iz prethodnog perioda svi znate da sam i kćerka rahmetli Ibrahima Šehića koji je nekad bio član Ratnog predsjedništva, a ujedno i sestra RVI kojem je nažalost danas godišnjica njegove smrti. Govorimo o pravima demobilisanih boraca i ja moram odreagovati na moje kolege demobilisane borce u smislu da ih pitam, zar to neko želi uzeti moj hljeb iz ruku. Vašim istupima ja sam tako to doživjela, a to je jedini izvor mojih primanja i prihoda. Smanjenjem finansiranja i vašim istupima vi dovodite u pitanje i moj opstanak i moju ekonomsku situaciju. Ja znam ko je Valter, ali se pitam ko je Juda.

Vijećnik Fikret Delić, - replika, niko nije spomenuo da uzima hljeb nečiji ovdje. Jadna je ova država ako udruženje zapošljava borce. Jadna je, niko nije spomenuo ime da uzima tuđi hljeb, ne pada mi na pamet. A što gospođa kaže za zakon, koji zakon preko 60 godina, gdje je onaj borac koji je obolio 55,58, zato se udruženja i bore to je preko 60 godina. Nama taj zakon ne odgovara, borcima do 60 godina, a nisam spomenuo da trebam nečiji hljeb uzimati, samo kažem jadna je država gdje udruženje treba da zaposli. Sve borce treba da zaposli država, ne udruženja.

Jasmin Insanić – CŽR ja sam predsjednik UO CŽR unazad dvije i po godine. Do tada je tu funkciju obavljao rahmetli Miralem Malkić koji je kasnije prešao kao predsjednik CŽR ZDK. Kad su u pitanju udruženja, ja moram malo da pojasmim razlike između CŽR i boračkih populacija. Mi nismo nigdje uvedeni u zakon. Sva naša finansiranja se svode na Budžetu Općine Maglaj, gdje smo imali dobru podršku i ona je nastavlja i dan-danas. Kad su u pitanju CŽR i njihov Budžet, vjerujte da smo uvijek gledali da se držimo u okvirima onih finansijskih

sredstava kako je stajalo u proračunu za naše udruženje. Mi smo namakli unazad tri godine negdje oko 60.000 KM gdje smo aplicirali na projekte, gdje smo ta sredstva uložili u zapošljavanje naših članova. Isto tako smo ostavili i vi znate koje smo imali aktivnosti od spomen obilježja do velikog parka, gdje je taj način rad vidljiv u svim segmentima, gdje obnašamo tu funkciju. Ono što hoću da kažem, niko ne može ugasiti Udruženje CŽR 271 je ubijeni civil, među tim civilima je i moja rahmetli sestra. Mi smo jedini pokrenuli za one koji su izlazili i rekli da se ostave ostala boračka a da se ovo udruženje može i druga fondacija ugasiti. Mi dok smo živi neće se ugasiti, mi smo priveli kraju procesuiranje ratnih zločina na tužilaštву BiH gdje se to trebalo uraditi davno, ali je naš UO svojim radom i trudom i svih članova pokrenuo te aktivnosti i one će se završiti. Ja mogu samo da kažem da stojim iza toga i UO, mi smo sinoć imali izvještajnu skupštinu, mi redovno svoj izvještaj o planu i programu rada i finansijskom utrošku pošaljemo Službi koja je zadužena a to je BiZ. Svako pravdanje koje smo mi dobili na nivou općine, kantona i federacije normalno mora se svaki pfening pravdati. Ne bi drugačije mogli opstatiti. Fatima je pročitala usaglašene prijedloge, da vidimo način jer to su nam jedina sredstva kako bi udruženje moglo imati normalne uslove za rad. Sve što smo uradili 70% smo svojim radom i svojim projektima gdje smo aplicirali smo uradili, redovno smo svaki pfening opravdali. Normalno je da se mora znati svaki utrošak svake marke. Ja se nadam da ćemo na današnjoj raspravi naći najbolje rješenje. Mi nemamo finansiranje sem općine, znači nismo u socijalnom programu kad su u pitanju CŽR i boračke populacije, porodice dobijaju porodičnu invalidinu i više ništa ne dobijaju.

Pauza za ručak od 12,30 – 14,00 sati.

Konstatuje se da poslije pauze se nisu vratili vijećnici Irena Herceg i Josip Jurišić, tako da vijeće radi sa 22 vijećnika.

Predsjedavajuća OV, nakon pauze i nakon usaglašavanja koalicionog bloka, ja bih iznijela prijedlog na osnovu svega iznesenog u diskusijama od strane i vijećnika, ali i predstavnika ovih udruženja došli smo do zaključka da bi najkorektnije bilo na način, na koji je to predložio i kolega Jurišić, a to je da

- D se Program utroška sredstava – Finansiranje boračkih udruženja za 2018. godinu, vrati na doradu.
- Da Općinski načelnik zajedno sa predstvincima svih boračkih udruženja da sjednu i dogovore načine finansiranja, da se takav prijedlog kojeg usaglase svi, ponude na slijedećoj sjednici OV.

Vijećnica Šefka Hasanić, u slučaju da se ova odluka vrati na doradu, šta je sa finansiranjem do donošenja odluke? To nije regulisano.

Općinski načelnik, da ne bude zabune, finansiranje ide onako kako je išlo i do sad, prema tome ne treba postavljati čudna pitanja, šta je sa finansiranjem, već je kraj trećeg mjeseca pa su dobijali sredstva. Slažem se u potpunosti sa ovim prijedlogom, mislim da će biti lako usuglasiti sve ove sugestije i neka se malo raspravlja o svemu ovome i ponudit ćemo za iduću sjednicu Vijeća novu odluku.

Vijećnik Safet Jašić, ja sam u pauzi razgovarao sa predstvincima boračkih udruženja i koliko sam mogao čuti da bi im najviše odgovaralo ono što je predviđeno Budžetom da se tako nastavi, tako da ne bi ovaj program utroška sredstava ne bi imao ni s vrhu, znači da se nastavi normalno onako kako se i do sada finansiralo. Ne znam u čemu se treba doraditi ova odluka, ako je Budžetom predviđeno i za ovu godinu određena suma novca, da to ide normalno, nema se šta doradivati odluka. Ja predlažem da glasamo prvo po ponuđenom materijalu ono što smo dobili. Imamo na raspolaganju ponuđeni Program utroška sredstava boračkih udruženja. Prvo moramo po ponuđenom materijalu izjasniti se.

Predsjedavajuća OV, ne moramo se izjašnjavati prvo o ponuđenom materijalu, možemo se izjasniti i o prijedlozima na ponuđeni materijal. Dakle, mi možemo i na prijedlog bilo kojeg kluba ili vijećnika se izjašnjavati, pa onda možda to mijenja kompletan materijal.

Općinski načelnik, povlači se prijedlog i to je završena priča.

Pauza za Klub SDA

Vijećnik Safet Jašić, poslije ove pauze Klub SDA ako se udruženja slažu i ako im odgovara ovaj prijedlog da se povuče materijal, mi ćemo to prihvati tako.

Fatima Mahmutagić, hvala za razumijevanje svima vama, ono što mene boli trenutno i smeta ovdje su samo dva predstavnika dvije organizacije. Govorimo o devet boračkih, da li zaista ljudi nisu zainteresovani da imaju sredstva da rade i da obavljaju svoje aktivnosti. Slažemo se sa ovim prijedlogom da se povuče ovaj dokument, da zajedno sa Načelnikom uradimo ga, koga treba još uključiti ali da se uradi onako kako nama odgovara da možemo fleksibilno raditi u skladu sa zakonom.

Predsjedavajuća OV, zaključujem raspravu i stavljam na glasanje

Z A K L J U Č A K

6.1. Vraća se na doradu Programa utroška sredstava – Finansiranje boračkih udruženja za 2018. godinu .

6.2. Da Općinski načelnik zajedno sa boračkim udruženjima dogovore način finansiranja boračkih udruženja za 2018. godinu, da se usaglašen prijedlog Programa dostavi na narednu sjednicu Općinskog vijeća.

Glasalo 22 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Fermić (DF), Mustafa Bešić, Fikret Delić, Kanita Bašić, samostalni vijećnici, Adis Abdurahmanović, Nedžad Alispahić, Mirsad Bežić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik.

AD – 7 - Prijedlog Programa poticaja u poljoprivrednoj proizvodnji Općine Maglaj za 2018. godinu;

Otvaram raspravu

Vijećnica Dženita Smajlović, Klub vijećnika SDA ne prihvata prijedlog programa poticaja u poljoprivrednoj proizvodnji Općine Maglaj za 2018. godinu, iz razlog što je za svaku oblast poljoprivredne proizvodnje navedeno da visina poticaja može biti i manja u ovisnosti od broja prijavljenih kandidata, mi ne želimo da se smanjuje visina poticaja bez obzira na broj prijavljenih i protiv smo svakog smanjenja visine poticaja te ne podržavamo ovakav Program.

Vijećnik Mustafa Bešić, pošto sam ja član Komisije, ja ću iznijeti stavove općinske Komisije za poljoprivredu, vodoprivredu i šumarstvo.

Prije 15-tak dana u sali smo imali javnu raspravu gdje se odazvao veliki broj poljoprivrednika. Ono što želim da istaknem sjedili smo i razmatrali s ljudima, i ovo što je kolegica iznijela da Klub vijećnika SDA neće podržati ovaj Program, nigdje ne piše a i gospodin Ferhat će potvrditi da ima neko smanjenje. Naprotiv u ove dvije godine smo se borili i borimo se za povećanje. U prošloj godini imali smo 142.500 KM, što je realizovano 92%. U ovoj godini imamo povećanje za 22%, to je 185.000 KM. U svim poljoprivrednim granama gdje smo mogli da pomognemo ljudima nadomjestili smo i pokušavamo da povećamo. Evo imamo ovdje i zapisnik Komisije i vjerujem da će Općinsko vijeće se pozitivno izjasniti o tome. Za animalnu proizvodnju 60% izdvojeno to znači 111.000 KM proizvodnju kravlje mlijeka 10 feninga ostaje isto. Prošlu godinu smo imali pčelarstvo, prvi puta smo uveli to i odobrili smo ljudima po 7 KM u ovoj godini planiramo povećati na 10 KM, i onda ja ne vidim gdje smo mi to smanjili ako nismo imali nikako. Prošlu godinu smo imali 7, sad imamo 10 KM. Znači 10 KM smo već pomogli ljudima. Imamo koke nosilje, tim ljudima peradarstvo nije bilo do sad nikako a sad su zastupljeni u Maglaju. Pomažemo ljudima po 1 koki nosilji 10 feninga, pa sad uzmite ko ima 5.000 i 10.000 koka, to je ipak prilično dobra svota para, pomažemo ljudima i mislimo na one ljude koji se sami bore da nađu tržište. Što se tiče maline imali smo prošlu godinu 7 feninga bio je start, ostalo je nekih para pa smo povećali na 10 feninga. U ovoj godini planiramo dodati još 5 feninga, to bi bilo negdje oko 15 feninga, s tim da smo ostavili prostor ako bi bilo veliko povećanje maline. Mi imamo 185.000 KM na raspolažanju i u to se moramo uklopiti. Zbog toga mi moramo ostaviti, ako se pojavi 200 tona maline više onda nećemo moći dat po 15, morat ćemo po 13 ili 12 feninga. Ovdje ko je bio na javnoj raspravi stvarno je bilo, dogovorili smo se s poljoprivrednicima, mislim da do sad nije bila takva rasprava. Mi smo poslušali ljude da iznesu svoje mišljenje, zaključke, mljekari su nam puno pomogli, oni su ostali pri svojim stavovima 10 feninga da ostane, a da ovo ostalo što se povećava za 42.500 KM podijelimo na ove grane koje nisu zastupljene. Imamo dosta grana koje zimu, budu, vidite kakvo nam ljeto bude, zima, da se pomogne tim ljudima i da ih podržavamo.

Ferhat Bradarić, ja bih samo potvrdio što je rekao dopredsjednik Komisije za poljoprivredu, mi smo imali 14.marta javnu raspravu gdje su učestvovali 24 predstavnika poljoprivrednih proizvođača, bila je konstruktivna raspravlja gdje su ljudi podržali da se ovo povećanje od 42.500 KM preusmjeri na biljnu proizvodnju i uz jedan prijedlog da se kod animalne proizvodnje u poticaje uvrsti kategorija proizvođači konzumnih jaja, proizvođači koji su registrovani kao obrtnici i da ovo bude jedan podstrek za druge koji namjeravaju da se time bave organizovano, a trenutno to rade kao djelatnost koja nije registrovana kroz obrt. Sve ove djelatnosti su u suštini povećane osim proizvodnje mlijeka i kukuruza, iz razloga što su mljekari zahtijevali, njihov prijedlog je bio da su oni zadovoljni sa 10 feninga poticaja po litru mlijeka i da se to povećanje preusmjeri na ostale djelatnosti koje ili nisu dovoljno podržane ili nisu nikako kao takve uvedene. Vezano za ovu kategoriju da je kroz Program navedeno da je smanjenje, nije u suštini to se radi kroz tekstualni opis gdje smo kod svake vrste poticaja naglasili da visina poticaja može biti i manja po jedinici mjere zavisno od broja zaprimljenih i odobrenih zahtjeva, to je dio teksta koji je stajao i prošle i prethprošle godine i svih ovih ranijih godina iz jednog prostog razloga ako bi se desila nekakva elementarna nepogoda, gdje su te budžetske pozicije ne izvršavaju u omjeru kad se dese ovakve katastrofalne poplave. U suštini nije došlo do smanjenja ni jedne pozicije, sve pozicije su povećane i ostavljen je taj prostor za platenike do 70 feninga do 1 KM iz razloga da se vidi od prilike koliki će biti broj podnosioca zahtjeva ako to bude na nivou prošlogodišnje i povećanje nekih 20 do 50% to će biti od prilike marka, ako bude enormno veliki broj zahtjeva to će biti 70 feninga. U suštini svaka ova pozicija je povećana.

Predsjedavajuća OV, zaključujem raspravu i stavljam na glasanje

ZAKLJUČAK

7.1. Usvaja se Programa poticaja u poljoprivrednoj proizvodnji Općine Maglaj za 2018. godinu.

Glasalo 12 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Firuz Galijašević (SDP), Muhamed Hrnjić, Elvir Vehabović (SBiH), Hajrudin Fermić (DF), Fikret Delić, Mustafa Bešić, Kanita Bašić samostalni vijećnici

Glasalo 10 glasova protiv: Adis Abdurahmanović, Nedžad Alispahić, Mirsad Bežić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik.

AD - 8 Prijedlog Programa utroška sredstava – Poticaj u zapošljavanju mladih poduzetnika za 2018. godinu;

Otvaram raspravu

Vijećnica Dženita Smajlović, Klub vijećnika SDA ne prihvata prijedlog Programa utroška sredstava – Poticaj u zapošljavanju mladih poduzetnika za 2018. godinu, iz razloga što smo i kod usvajanja Budžeta tražili da se poveća iznos za ovu vrstu poticaja i smatramo da su opredjeljena sredstva premala za ovakvu vrstu poticaja.

Predsjedavajuća OV, zaključujem raspravu i dajem na glasanje

Z A K L J U Č A K

8.1. Usvaja se Program utroška sredstava – Poticaj u zapošljavanju mladih poduzetnika za 2018. godinu

Glasalo 12 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Firuz Galijašević (SDP), Muhamed Hrnjić, Elvir Vehabović (SBiH), Hajrudin Fermić (DF), Fikret Delić, Mustafa Bešić, Kanita Bašić samostalni vijećnici

Glasalo 10 glasova protiv: Adis Abdurahmanović, Nedžad Alispahić, Mirsad Bežić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik.

AD – 9 Prijedlog Odluke o davanju saglasnosti za potpisivanje Sporazuma;

Predsjedavajuća OV, Načelnik je u svom izlaganju vezano za dnevni red, pojasnio zašto se ova odluka našla na dnevnom redu.

Otvaram raspravu, nije bilo rasprave i predlažem

Z A K L J U Č A K

9.1. Donosi se Odluka o davanju saglasnosti za potpisivanje Sporazuma o isporuci pitke vode za Doo „Natron Hayat“ Maglaj.

Glasalo 22 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Firuz Galijašević (SDP), Muhamed Hrnjić, Elvir Vehabović (SBiH), Hajrudin Fermić (DF), Mustafa Bešić, Fikret Delić, Kanita Bašić, samostalni vijećnici, Adis Abdurahmanović, Nedžad Alispahić, Mirsad Bežić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić, samostalni vijećnik.

AD – 10 Prijedlog Odluke o utvrđivanju visine naknade za rad Upravnog odbora JU «Dom zdravlja» Maglaj i JU «Narodna apoteka» Maglaj;

Otvaram raspravu

Vijećnik Elvir Vehabović, u prijedlogu odluke stoji da se utvrdi naknada u visni od 100 KM za članove i 120 KM za predsjednika. Razlog ovakve odluke je taj da je do sad postojala neusklađenost između JU Dom zdravlja i JU Narodna apoteka, gdje su oni imali ovaj iznos za nijansu malo veći. Ja mislim da oni imaju za predsjednika 150 KM. Napominjem da se iznos za naknade članova Upravnih odbora izdvaja iz sredstava Javnih ustanova, odnosno sredstava JU Dom zdravlja i JU Narodna apoteka. Drugi razlog koji navodim je sam rad Upravnog dobra. Žao mi je što se na ovoj sjednici nije bilo prostora da bude izvještaj o radu UO gdje bi se vidjeli konkretni rezultati, znači rada tog UO, gdje da ne ulazim u detalje, konkretno zaslugama predsjednika UO došlo je do određenih pomaka u jednoj sferi djelatnosti JU Dom zdravlja Maglaj. I to su neki od razloga. Moj je prijedlog da se stavi nekav maksimalan iznos, pa neka to bude 150 KM da je maksimalno. Da ne bi u budućnosti bilo kakvog zloupotrebljavanja, pa da neko ode imamo tu cijenu a ja mogu staviti i više. U onoj praksi do sad stajalo je u

odluci 50, 50 70 KM. Međutim, sad kažem da u JU Narodna apoteka je imala 100,100,150 KM. Tako da stavimo maksimalan iznos od 150 KM .

Vijećnica Edina Jašić, Klub vijećnika SDA traži da iznos naknade za rad UO ostane u visini iznosa koji su bili u prethodnim mandatima, a ukoliko se naš prijedlog ne prihvata, onda ćemo biti protiv prijedloga Odluke o utvrđivanju visine naknade za rad Upravnog odbora JU «Dom zdravlja» Maglaj i JU «Narodna apoteka» Maglaj a pogotovo što se naknada isplaćuje mjesечно bez obzira na broj održanih sjednica.

Vijećnica Anida Šahman, Uvažavajući konstatacije kolege Elvira, Klub vijećnika SDP-a će podržati prijedlog Odluke o utvrđivanju visine naknade za rad Upravnog odbora JU «Dom zdravlja» Maglaj i JU «Narodna apoteka» Maglaj.

Vijećnik Hajrudin Fermić, podržavam prijedlog doktora Vehabovića. Drago mi je da je pomenuo u pozitivnom smislu svoj UO i predsjednika i ja bih samo predložio zaključak da nam Načelnik za narednu sjednicu pripremi jednu Odluku koja bi bila uniformisana u pogledu ovih prava članova UO i u drugim JU kojima je osnivač Općina Maglaj, da ne bi imali ovo šarenilo o kojem je doktor Vehabović već govorio. Dom zdravlja i Apoteka imaju različite, evo sad ovim pravimo jedan korektni odnos prema njima, pa da to uradimo i za ostale UO u drugim ustanovama.

Predsjedavajuća OV, zaključujem raspravu i stavljam na glasanje

Z A K L J U Č A K

10.1. Donosi se Odluka o utvrđivanju visine naknade za rad Upravnog odbora JU «Dom zdravlja» Maglaj i JU «Narodna apoteka» Maglaj, uz predloženu ispravku umjesto iznosa da stoji „maksimalno 150,00 KM“.

Glasalo 12 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Fermić (DF), Fikret Delić, Mustafa Bešić, Kanita Bašić samostalni vijećnici

Glasalo 10 glasova protiv: Adis Abdurahmanović, Nedžad Alispahić, Mirsad Bežić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik.

Dajem na glasanje prijedlog zaključka,

10.2. Da za narednu sjednicu OV Maglaj, Općinski načelnik pripremi prijedlog Odluke koja bi preciznije definisala kriterije i iznose naknade za članove UO u ostalim Javnim ustanovama, čiji osnivač je Općina Maglaj.

Glasalo 12 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Fermić (DF), Fikret Delić, Mustafa Bešić, Kanita Bašić samostalni vijećnici

Glasalo 10 glasova protiv: Adis Abdurahmanović, Nedžad Alispahić, Mirsad Bežić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik.

AD – 11 Prijedlog Odluke o prosječnoj konačnoj građevinskoj cijeni 1m2 korisne stambene površine na području općine Maglaj;

Otvaram raspravu

Vijećnica Edina Jašić, Klub vijećnika SDA predlaže da cijena 1 m2 korisne stambene površine iznosi 600 KM u cilju smanjenja nameta za novu gradnju, poslovnih, poslovno stambenih ili stambenih i drugih građevinskih objekata. Ukoliko se naš prijedlog ne uvaži, Klub vijećnika će biti protiv kod glasanja po ovoj tački dnevnog reda.

Vijećnik Muhamed Hrnjić, Pošto je komisija za privredu, raspravljava na prethprošloj sjednici ovaj prijedlog i naš prijedlog je bio da bude 700 KM i mi sad predlažemo Vijeću da prihvati ovaj prijedlog, pošto je održana javna rasprava i na javnoj raspravi su tražene ponude od svih firmi i opet se dolazi do iste cifre.

Predsjedavajuća OV, zaključujem raspravu i stavljam na glasanje prvi prijedlog iznesen od strane SDA da se utvrdi cijena 1 m2 korisne stambene površine na području općine Maglaj u iznosu od 600,00 KM.

Glasalo 10 glasova za: Adis Abdurahmanović, Nedžad Alispahić, Mirsad Bežić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik.

Glasalo 12 glasova protiv : Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Fermić (DF), Fikret Delić, Mustafa Bešić, Kanita Bašić samostalni vijećnici

- Stavljam na glasanje drugi prijedlog da se utvrdi cijena 1 m² korisne stambene površine na području općine Maglaj u iznosu od 700,00 KM.

Glasalo 12 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Firuz Galijašević (SDP), Muhamed Hrnjić, Elvir Vehabović (SBiH), Hajrudin Fermić (DF), Fikret Delić, Mustafa Bešić, Kanita Bašić samostalni vijećnici

Glasalo 10 glasova protiv: Adis Abdurahmanović, Nedžad Alispahić, Mirsad Bežić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik.

Konstatujem da je usvojen drugi prijedlog i predlažem

Z A K L J U Č A K

11.1. Donosi se Odluka o prosječnoj konačnoj građevinskoj cijeni 1m² korisne stambene površine na području općine Maglaj u iznosu od 700,00 KM.

AD – 12 a) Prijedlog Odluke o komunalnoj naknadi;

b) Prijedlog Odluke o utvrđivanju vrijednosti boda komunalne naknade u Općini Maglaj;

Otvaram raspravu

Vijećnik Ermina Muminović, Klub vijećnika SDA će glasati protiv Odluke o komunalnoj naknadi i protiv Odluke o utvrđivanju vrijednosti boda komunalne naknade u općini Maglaj, obzirom da se ovim Odlukama uvode novi nameti građanima.

Vijećnik Hajrudin Fermić, replika – to će puno bolje da obrazlože ovi ljudi iz Službe, ne radi se ni o kakvom uvođenju novih nameta. Nije tačno to što govorite.

Fuad Hajrulahović, Odluka o komunalnoj naknadi je bila i do sada s tim da su se promijenile zakonske osnove i mi smo ovu Odluku samo prilagodili novim zakonskim odredbama. Novo u ovoj Odluci je to da se svake godine utvrđuje nova vrijednost boda. Ne radi se ni o kakvim novim nametima i kad smo mi određivali visinu vrijednosti boda, išli smo na to da ta visina vrijednosti boda množena sa površinom koja se koristi da li se radi o stambenom, poslovnom, proizvodnom pogonu, ostane praktično ista kolika je i do sad bila. Znači radi se o jednoj odluci koja je samo usaglašena i modifikovana u skladu sa izmjenama Zakona koji su nastali u ovom periodu. Ne znam odakle podatak da se uvode novi nameti. Vi dobro znate možda ima neko od vas ko se bavi privatnom djelatnošću i zna dobro da svake godine plaća i KGZ i komunalnu naknadu. Povećanja nema, isti nameti i iste obaveze samo usklađeno.

Vijećnik Armin Hrnjić, Klub SDP-a je razmatrao prijedlog Odluke o komunalnoj naknadi i prijedlog Odluke o utvrđivanju vrijednosti boda komunalne naknade u Općini Maglaj. Smatramo da je prijedlog dobar, već je bio u javnoj raspravi i dopunjeni su svi nedostaci, tako da ćemo mi isti podržati.

Predsjedavajuća OV, zaključujem raspravu i stavljam na glasanje

Z A K L J U Č A K

12.1. a) Donosi se Odluka o komunalnoj naknadi.

12.2. b) Donosi se Odluka o utvrđivanju vrijednosti boda komunalne naknade u Općini Maglaj.

Glasalo 12 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Firuz Galijašević (SDP), Muhamed Hrnjić, Elvir Vehabović (SBiH), Hajrudin Fermić (DF), Fikret Delić, Mustafa Bešić, Kanita Bašić samostalni vijećnici

Glasalo 10 glasova protiv: Adis Abdurahmanović, Nedžad Alispahić, Mirsad Bežić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik.

AD – 13 Prijedlog Odluke o komunalnom redu i sanitarnom minimumu;

Fuad Hajrulahović, samo da podsjetim na hronologiju. Zakonski osnov za donošenje ove Odluke je član 49. Zakona o komunalnim djelatnostima („Službene novine ZDK“, broj: 17/08). Vi se dobro sjećate da je zaključkom Općinskog vijeća od 12.05.2016. godine, prije dvije godine vraćena na doradu Odluka o komunalnom redu i sanitarno higijenskim mjerama. Mi smo tu Odluku doradili i Općinsko vijeće je radnu grupu koja je radila na izradi ove Odluke proširili sa dva člana iz sastava vijeća. U to radnu grupu su uključeni gospodin Fermić i gospodin Bradarić Mirza i zadatku radne grupe je bio da postoji Odluku odnosno predloženu odluku da se ona malo usaglasi sa postojećim zakonskim propisima, jer je u tom periodu neke tri godine kako se ona radila došlo do

određenih izmjena zakonskih propisa. Radna grupa je sačinila Nacrt Odluke o komunalnom redu koji je ponuđen Općinskom vijeću i Općinsko vijeće je 30.01.2018.godine, donijelo zaključak da takav nacrt Odluke ide na javnu raspravu u trajanju od 60 dana. Javna rasprava održana je 06.03.2018.godine, nažalost kao i na sve rasprave skoro pa nikad nikog nema od vas vijećnika, pa nema ni određenih drugih predstavnika ni struktura koje mi pozovemo i onda dođemo ovdje u situaciju da diskutujemo o odlukama gdje smo mogli pomoći prilikom usvajanja nacrta i diskusije na nacrt, a onda kad sve to dođe gotovo onda kritikujemo ovdje. Mislim da bi ubuduće bilo korektno i sa vaše strane i strane svih drugih koga se tiču te odluke da se barem malo uključe.

Javna rasprava održana je 06.03.2018.godine, tu su bile određene primjedbe i sugestije koje ste dobili u prilogu ovog prijedloga Odluke. Najviše sugestija je bilo od strane KJD i od ljudi koji su bili prisutni na javnoj raspravi. Ukupno je bilo ako računamo i televiziju i one koji su radili na toj odluci bilo je 10 ljudi. Radi se o odluci koju pravimo već tri i po godine. Samo da vam kažem koliko je to ozbiljna odluka, prvo od mene, pa i od vas sviju. Sve primjedbe, sve sugestije nisu mogle biti uzete u obzir, uzete su samo one koje su u skladu sa važećim zakonskim propisima i one su kao takve stavljeni u prijedlog ove Odluke. S obzirom da ova Odluka ima preko 100 članova, nadam se da ste je pročitali i radna grupa koja je radila i Služba koja je radila i poslije provedene javne rasprave, Služba je pripremila Odluku i predlaže OV da odluku ovakva kakva jeste danas uvoji, s tim da se ostavi opet mogućnost ukoliko dođe do promjene nekih zakonskih normativnih akata, da ta opet odluka pretrpi ono što treba pretrpiti i da opet dođe ponovo na OV na usvajanje.

Otvaram raspravu

Vijećnik Safet Jašić, Klub vijećnika SDA je razmatrao i iščitao dobro i imamo neke svoje primjedbe, pa tako od prilike se odnosi na naseljena mjesta van gradska, hoću reći mjesne zajednice, septičke jame i nužnici koji postoje jedino u n/m ruralnim i primjedbe su slijedeće:

- Član 98. Svi higijenski nužnici moraju biti priključeni na vodovod i kanalizaciju. Vi znate kakvo je stanje sa kanalizacijom u mjesnim zajednicama, da nema ni jedne n/m osim Maglaj grad izgrađenu kanalizaciju. Za naselja koja nemaju izgrađenu kanalizacionu mrežu svako domaćinstvo mora imati izgrađenu odgovarajuću dvokomornu septičku jamu sa nepropusnim zidovima i dnom i pokrivena betonskom pločom. Septička jama mora se praznici najmanje dva puta godišnje putem KJD. Ko kaže, ako ja mogu isprazniti septičku jamu za 20 KM, ne znam kolika je ova cijena vjerovatno je veća i ponovo je upotrijebiti gdje mi to na selu znamo upotrijebiti u neke i jeftinije proći. Znači bili bi obavezni po ovom da nam KJD vrši pražnjenje septičkih jama i vjerovatno to nikom ne bi pasalo. Septičke jame moraju biti izgradnje u skladu sa urbanističko tehničkim uslovima datim u urbanističkoj saglasnosti po svim propisima, sanitarno higijenskim uslovima i redovno se održavati. Svako domaćinstvo koje ima septičku jamu mora zaključiti ugovor sa KJD o redovnom pražnjenju septičke jame po cjenovniku koji je istaknut na web stranici KJD. Ja nisam vidio koja je to cijena i zato sam pročitao član 98. Gdje sigurno ljudi iz mjesnih zajednica neće ovo prihvati tako kako je ovdje predviđeno.

- Član 107. Poslove inspekcijskog nadzora vrši komunalni putni inspektor u dijelu koji se odnosi na javne površine, namijenjene za saobraćaj i njihov pripadajući dio koji su u nadležnosti Općine. Inspektorima u obavljanju poslova pomaže eko policajac i komunalni redar koji obavlja poslove komunalno ekološke kontrole. Insepktor, eko policajac i komunalni redar moraju imati posebne službene iskaznice, sve je to u redu, službene iskaznice izdaje Općinski načelnik u skladu da zakonom. Komunalni redar je radnik i ima svoje ovlasti. I ima još dva člana u kojima se sigurno mi u mjesnim zajednicama ne uklapamo. Član 111. Pravna i fizička lica dužna su komunalnom inspektoru, eko policajcu omogućiti nesmetano obavljanje nadzora, a posebno pristup do prostorija, objekta, zemljišta uređaja i naprava, zatim dati lične podatke, kao i pružiti druga potrebna obavještenja. Što dobro lični na dimnjakašku odluku koju smo imali pa smo ih skinuli s dnevnog reda na doradu prvi put. Na prijedlog nadležne službe, Općinski načelnik određuje pojedine mjesecce u godini kao mjesec uređenja i poboljšanja ovdje se tiče ekologije, estetskog izgleda grada i općine. U ovim mjesecima sva pravna i fizička lica su dužna učestvovati u akcijama na uređenju, uljepšavanju estetskog izgleda grada i n/m a prema programu aktivnosti koje donosi općinski načelnik istovremeno sa proglašenjem pojedinog mjeseca u godini za mjesec uređenja grada. Grad je lijepo uređen i KJD to odlično radi. A nikakve naredbe ne treba da stoje ovdje da se čisti grad imamo mi šta da čistimo po mjesnim zajednicama. Tako da mislim da ovi članovi ne odgovaraju baš što se tiče Kluba SDA, a posebno žiteljima u mjesnim zajednicama. To su naše primjedbe.

Vijećnik Mirsad Bežić, Klub vijećnika SDA je protiv prijedloga Odluke o komunalnom redu i sanitarnom minimumu, obzirom da se i ovom odlukom uvode novi nameti za građane.

Vijećnik Mirza Bradarić, Nisam imao namjeru, ali gospodin Hadrulahović je malo prije rekao i meni će možda ovo biti jednim dijelom kritika što nisam bio na javnoj raspravi kao učesnik te radne grupe koja je radila prijedlog Odluke, ali jednostavno bio sam na poslu, tako da nisam mogao izaći s posla. Međutim, ovo gospodine Jašiću što ste vi pročitali, ovo što predsjedavajuća kaže, meni nije jasno jel skroz izbaciti ili dopuniti nečim.

Vijećnik Safet Jašić, To je neizvodivo u mjesnim zajednicama.

Vijećnik Mirza Bradarić, to sam želio da čujem od vas da je to neizvodljivo. Molim vas možete li vi sad objasniti. Zaista smo mi jedan dugi vremenski period proveli dolazeći u Općinu, sjedeći po 3-4 sata, razmatrajući, razgovarajući s ljudima na terenu i onda na javnoj raspravi vi ne budete, ne date nikakav prijedlog i sad odjednom izbaci. Zašto od vas niko nije učestvovao na javnoj raspravi, a dobili ste ovaj materijal pred javnu raspravu.

Vijećnik Safet Jašić, što se tiče javnih rasprava vjerovatno bi mi došli ovo je interesantno za nas iz mjesnih zajednica, međutim poučeni javnim raspravama oko mjesnih zajednica itd. gdje su prisutni javna rasprava je zadnje sito gdje se donose odluke i da se sluša glas onih kojih se tiče javna rasprava. Na raspravi o mjesnim zajednicama od 13-14 ljudi kazalo svoje sve je suprotno urađeno. Ništa se nije poslušalo. Iz tog razloga mi vjerovatno, možda neko, ali mislim iz tog razloga najviše ne prisustvujemo javnim raspravama koje se organizuju. Ovo je sigurno neizvodljivo u mjesnim zajednicama što se tiče ovoga materijal.

Vijećnica Svjetlana Zamboni, u izlaganju šefa Službe sasvim je jasno kazano da je ogroman trud i jako puno vremena uloženo u izradu ove Odluke. Ja ću iznijeti svoj lični stav, ja mislim da treba poštovati i vrijeme i trud ljudi koji su učestvovali na izradi ove Odluke. Upravo onako kako je gospodin Hajrulahović i rekao da ova Odluka bude usvojena, da se stavi na primjenu a vrijeme će pokazati šta jeste a šta nije izvodivo po pitanju članova ove Odluke. Mi uvijek nju možemo doraditi, uvijek možemo amandmanski djelovati i na ovu Odluku naravno na sugestiju Službe ili bilo koga od vijećnika i kroz inicijative i kroz naš redovan rad svaki mjesec. Ja predlažem da poštujemo jako puno vremena je uloženo u izradu ove Odluke, mislim da je pokrila sve segmente, sve nedostatke koji su se javljali i o kojima smo govorili i u prošlom sazivu sada su na određeni način definisani i ja preporučujem da ovu Odluku usvojimo, a da onda vrijeme pokaže šta i kako treba još dorađivati.

Vijećnica Šefka Hasanić, osim razloga koje je naveo predsjednik Kluba SDA za neprisustvovanje na javnim raspravama vijećnika iz Kluba SDA, ja mogu navesti svoj lični. Sve rasprave se odvijaju u toku radnog vremena. Pojedini vijećnici zbog svojih radnih obaveza nisu u mogućnosti prisustvovati javnim raspravama, nismo svi uposlenici na Budžetu i ne možemo dobiti sloboden dan za sjednice vijeća, a kamo li za javne rasprave. Moj bi bio prijedlog da se te javne rasprave održavaju u poslijepodnevnim satima.

Fuad Hajrulahović, nažalost, ovo sve kako ide ovo i slijep vidi kako ide i šta ide. Kad neko dođe sa nekim ubjedjenjem da nešto hoće podržat, on će ga podržat da je naopako. Kad neko dođe s nekim da ga neće podržat, neće ga podržat nikako. Organizujemo javnu raspravu u 11 ne dođe niko, u tri ne dođe niko, u 5 ne dođe niko, u 6 ne dođe niko. Volio bih da se i Vijeće izjasni i da vijeće odredi termin za održavanje javnih rasprava, a mi ćemo kao Služba to ispoštovati. Ja se slažem da ne mogu ljudi u radno vrijeme, ali mi to organizujemo i van radnog vremena pa niko ne dođe. Ja bih zamolio da ubuduće kad odredite termin za održavanje, odredite i vrijeme u koliko će se održavati ta javna rasprava kad se bude raspravljal o nacrtima.

Općinski načelnik, ispravka krivog navoda – ja zaista moram reagovati, nekoliko puta danas kroz nekoliko tačaka iz Kluba SDA dolazi neistina, laž, zla namjera o novim nametima. Nikakvim novim nametima ni u jednoj tačci. Ja uvažavam vas kao vijećnike, ja znam da se vama napiše pa pročitate. Uvažavam vas vijećnike Bežić Mirsade, da ste vijećnik, da ste iznijeli stav Kluba. Istovremeno ste uposlenik Javnog organa Općine Maglaj, iznosite laž za govornicom, dakle vi radite protiv svoje ustanove u kojoj radite. Barem ako vas vode moralni principi u životu, barem recite šefe nemojte mene u ovo, nemojte da ja lažem da su novi nameti, pa ja tamo radim i znam jesu nameti ili nisu. Dakle, to su neke moralne stvari.

Predsjedavajuća OV, zaključujem raspravu i dajem na glasanje prvi prijedlog iznesen od strane Kluba SDA da se iz Odluke brišu članovi 98, 107 i 111.

Glasalo 10 glasova za: Adis Abdurahmanović, Nedžad Alispahić, Mirsad Bežić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik.

Glasalo 12 glasova protiv : Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Firuz Galijašević (SDP), Muhamed Hrnjić, Elvir Vehabović (SBiH), Hajrudin Fermić (DF) Mustafa Bešić, Kanita Bašić samostalni vijećnici

Dajem na glasanje drugi prijedlog iznesen od strane vijećnice Svjetlane Zamboni,

Glasalo 12 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Firuz Galijašević (SDP), Muhamed Hrnjić, Elvir Vehabović (SBiH), Hajrudin Fermić (DF), Fikret Delić, Mustafa Bešić, Kanita Bašić samostalni vijećnici

Glasalo 10 glasova protiv: Adis Abdurahmanović, Nedžad Alispahić, Mirsad Bežić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA) i Mustafa Buljubašić samostalni vijećnik.

Konstatujem da je usvojen

Z A K L J U Č A K

13.1. Donosi se Odluka o komunalnom redu i sanitarnom miminumu.

AD – 14 Prijedlog Odluke o zamjeni nekretnina – zemljišta Mehić (Edhem) Šefik;

Fuad Hajrulahović, u materijalu ste dobili prijedlog Odluke o zamjeni nekretnine. Većina vas se sjeća, ovi mlađi se ne sjećaju da je naš sugrađanin 100% invalid iz Maglaja gospodin Mehić Šefik dobio plac za izgradnju kuće u južnom dijelu grada...

Radi se o istoj površini, istom kvalitetu zemljišta, na vama je da donesete odluku da li da se to zamijeni ili ne. Taj proces se dugo godina već vodi. Pošto je neizvjesno kada će ova stranka doći i da li će uopšte pristati obzirom da se radi o privatnom zemljištu smatram da ne postoji nikakva zakonska prepreka da se izvrši zamjena jedna za drugu, obzirom da se radi o istoj površini i istom kvalitetu zemljišta. U Odluci imate detaljan opisano sve da ja sad ne ponavljam, kako i šta je nastalo. Ako vam bude šta nejasno ja sam voljan pomoći.

Otvaram raspravu

Vijećnik Safet Jašić, ja se izvinjavam nisam uspio reagovati po protekloj tački dnevnog reda, na diskusiju Načelnika. Mi smo pred samu sjednicu zatekli Izvod iz Poslovnika o radu OV, pa su nabrojani članovi 73, 74, 75. Trebali ste4 pomenuti i član 156. Koji se odnosi na odnos Načelnika i općinskih vijećnika u Vijeću. Ja mislim da je ovo klasičan mobing na vijećnika i uposlenika Općine Maglaj od strane Načelnika. Nije korektno ponašat se ovako, ja sve mislim jednog dana će ovo prestati, ali ovo uzima sve više maha. Neka gospođa Predsjedavajuća ne zamjera, malo je požurila da pređe preko ovoga, ali mislim da ovo ne bi trebalo da se ponavlja. Ovo je klasičan mobing na vijećnika i uposlenika općinske administracije. Molim vas da i član 156. dodata slijedeći put u ovaj izvod. Ja ne želim da čitam nikome šta piše u članu 156 i kako Načelnik treba da sarađuje sa Vijećem i ponaša se na samoj sjednici.

Predsjedavajuća OV, vi znate po Poslovniku kakve su vaše mogućnosti ako smatraste da je došlo do kako vi kažete mobinga.

Općinski načenik, kad ste već Predsjedavajuća dozvolili da se ode s tačke dnevnog reda, ja ћu uzeti sebi pravo da repliciram. Znam ja vrlo dobro kako treba da se ponaša općinski načelnik, ali znam kako trebaju da se ponašaju i vijećnici, a trebate znati i vi kako treba da se ponašate kao vijećnici. Ja ponavljam nekoliko puta tendenciozno,zlonamjerno ste danas svjesno iznijeli neistine i naravno da trebam da izadem i da vam ukažem na to. Prema tome, kad čitate Poslovnik čitatje ga kompletognog. Kad čitate Statut čitatje ga kompletognog, pa sjetite se kako su vijećnici ovdje položili zakletvu i kako se vijećnici trebaju da ponašaju. Ne zlonamjerno, ne tendenciozno, ne sa neistinama.

Vijećnik Safet Jašić, ispravka krivog navoda – od samog početka mi smo ne edukovani, mi smo šerifi.

Predsjedavajuća OV, gospodine Jašiću kad radite ispravku krivog navoda morate se osvrnuti na krivi navod koji je iznesen. Trenutno nije iznio niko ništa takvo koje biste vi trebali ispraviti kao navod.

Vi po Poslovniku znate šta možete činiti i kome se obratiti pa vas molim da tako i postupite, ukoliko osjećate da vam je povrijedeno vijećničko pravo.

Pauza za Klub SDA

Vijećnik Safet Jašić, poslije pauze, mi smo razmišljali razmotrili sva ova događanja i želimo da konstatujemo slijedeće. Znači nije laž namet građanima kada je ova Odluka u pitanju koju je pomenuo gospodin Bežić. Ja sam pomenuo da komunalno koje bi dolazilo u mjesne zajednice dva puta godišnje praznilo septičke jame po 25 KM, to je 50 KM.

Predsjedavajuća OV, gospodine Jašiću, točka dnevnog reda o kojoj mi trenutno raspravljamo je prijedlog Odluke o zamjeni nekretnina zemljišta.

Vijećnik Safet Jašić, nije tačno, ja znam zašto smo uzeli pauzu i hoću da završim do kraja. Dva mandata je bio gospodin Mujkanović u Općinskom vijeću Maglaj. Nikad nije načelnik vršio mobing i pritisak na uposlenika Općine Maglaj i ovo na kraju krajeva ne tiče se Općine već Komunalnog preduzeća.

Predsjedavajuća OV, gospodine Jašiću ukoliko smatraste da je došlo do povrede vijećničkog prava, ja vas molim onda se vratite na to i pozovite se na Etički kodeks po kojem možete postupati.

Vijećnik Safet Jašić, za ovo što je Načelnik izjavio Klub SDA će preuzeti potrebne mjere. Ubuduće i sada ovo što se dogodilo istup Načelnika je nas pogodio i nije prvi puta mi ćemo ovaj put napustiti sjednicu, nećemo učestovati u radu Općinskog vijeća.

Klub vijećnika SDA napušta sjednicu Općinskog vijeća u 15,30 sati.

Pauza za Klub SDP-a.

Vijećica Irena Herceg se pridružila radu Općinskog vijeća, tako da Vijeće radi sa 13 vijećnika.

Predsjedavajuća OV, nismo se izjasnili o prijedlogu Odluke zamjeni nekretnina Mehić Šefik, šef Službe je obrazložio o čemu se radi, zamjena plac za plac bez ikakve štete po Općinu, molim da se izjasnimo po ovoj tački dnevnog reda.

Z A K L J U Č A K

14.1. Donosi se Odluka o zamjeni nekretnina – zemljišta Mehić (Edhem) Šefik.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić,(SBB), Elvir Vehabović (SBiH), Hajrudin Fermić (DF), Fikret Delić, Mustafa Bešić, Kanita Bašić samostalni vijećnici

AD – 15 Izještaj o realizaciji „Strategije razvoja općine Maglaj 2012-2020. godina“ za 2017. godinu;

Predsjedavajuća OV, u materijalima ste dobili sva obrazloženja
Otvaram raspravu, nije bilo rasprave, predlažem

Z A K L J U Č A K

15.1. Usvaja se Izvještaj o realizaciji „Strategije razvoja općine Maglaj 2012-2020. godina“ za 2017. godinu.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhammed Hrnjić, (SBB), Elvir Vehabović (SBiH), Hajrudin Fermić (DF), Fikret Delić, Mustafa Bešić, Kanita Bašić samostalni vijećnici

AD – 16 Informacija o postupku potpune eksproprijacije nekretnina za izgradnju „Groblja Borik“ u Maglaju.

Fuad Hajrulahović, u ovoj Informaciji imate detaljno sve napisano, neću vam ponavljati. Jedino što je novo vidjeli ste na samom kraju ove informacije, to su aktivnosti koje su bile sa 27.03.2018.godine. Za 12.04.2018.godine zakazana je nova rasprava, na tu raspravu je pozvan i predstavnik Državnih šuma, Državni pravobranilac, odnosno osoba koju on odredi da zastupa u ovom predmetu i po okončanju te rasprave mi računamo da će biti riješene sve dileme oko vlasništva šuma u Bosni i Hercegovini i da ćemo završiti postupak potpune eksproprijacije za „Groblje Borik“. Imali smo nekoliko telefonskih kontakata obećali su da će se pojaviti na raspravi, tako da računamo da neće biti odgođena.

Otvaram raspravu

Vijećnica Svjetlana Zamboni, obzirom na važnost ovog projekta koji radimo i za koji se svi zalažemo, ja bih predložila obzirom da se radi o vrlo skorašnjem datumu, kada biste vi trebali imati taj zajednički pretres, da se u međuvremenu pristupi izradi Glavnog projekta misleći naravno na javne pozive koji su obavezni i slične stvari, tako da na neki način dobijemo i tih 12-tak dana da idu nama u prilog, da se pristupi i tim poslovima. Jeli to moguće gospodine Hajrulahoviću.

- Prima se k Znanju Informacija o postupku potpune eksproprijacije nekretnina za izgradnju „Groblja Borik“ u Maglaju, uz prijedlog.

Z A K L J U Č A K

16.1. Da se pristupi izradi Glavnog projekta vezano za javne pozive za izgradnju „Groblja Borik“ u Maglaju.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhammed Hrnjić, (SBB), Elvir Vehabović (SBiH), Hajrudin Fermić (DF), Fikret Delić, Mustafa Bešić, Kanita Bašić samostalni vijećnici

Briefing Općinskog načelnika – nije bilo brifinga.

VIJEĆNIČKA PITANJA I INICIJATIVE

Nije bilo pitanja niti inicijativa.

Vijećnik Fikret Delić, ja će iskoristiti priliku da pozovem sve vijećnike, Općinskog načelnika, Službu, sve građane za 06.04. april Dan formiranja prve jedinice u Kopićama i bit će nam zadovoljstvo da vas sve ugostimo i primimo. Ovom prilikom se zahvaljujem svim vijećnicima koji su prošle godine došli i dali nam podršku i u ime svih mještana i demobilisanih boraca Kopica '92-'95.

Predsjedavajuća OV, ja bih našim građanima katoličke i pravoslavne vjeroispovijesti poželjela u ime Općinskog vijeća Maglaj sretne uskršnje i vaskršnje blagdane.

16 sjednica završena u 16,02 sati.

Zapisničar,
Nisveta Bašić

Sastavni dio zapisnika čini tonski zapis, a CD cijelokupne sjednice dobit će sve političke stranke koje participiraju u Općinskom vijeću Maglaj.

PREDSJEDAVAJUĆA OV,

Svetlana Zamboni

